

3148415

198

Imperfect

Wanting

B1, B4, K3

1 torn

Some plates
wanting



KOLBE, Wenceslaus.

G.R. 10/5



Limpidissimus in fluentis Moldavæ

Gratiarum Fons

S. JOANNES

NEPOMUCENUS

Metropolitanæ Ecclesiæ Pragensis

ad S. VITUM

CANONICUS,

Ob illæsum Sacramenti Pœniten-
tiæ sigillum

MARTYR,

Et famâ periclitantium singularis

PATRONUS;

Peracta Romæ Apotheosi

Symbolis, Lemmatis, Elogiis, ac Poëmate illustratus,

Cum adjunctis Ethicæ Maximis.

*Illustrissimi, Admodum Reverendi, Per-
illustres, Nobiles, Prænobiles,
ac Doctissimi D. D.
AA.LL. & Philosophiæ Magistri.*



*Ui toto devotionis affectu Ve-
strum Philosophiæ studium consecrâstis :
Eundem ego vobis dedico Symbolis, Lem-
matis, Elogiis, & Poëmatibus illustratum S.*

*JOANNEM NEPOMUCENUM Doctissimi DD.
Philosophiæ Magistri, sed non totum, quoad singula nimi-
rum vitæ, aut prodigiorum acta. Non quasi ex toto Ve-
ster in Gratiæ Bohemiæ affectus non foret ; sed quia dif-
ficulter evenire potuit, ut JOANNEM caperetur ex in-
tegro, qui jam à celi luminaribus in Moldava captus fue-
rat, & cum thaumate comprehensus. Illum proinde in
compendio duntaxat Vobis exhibeo : quoniam Philoso-
phiâ illuminati omnem in epitome comprehenditis clarita-
tem, eam videlicet, quæ virtutem, ac scientiam facit no-
biliorem. Arbitror autem, quòd levidense hoc meum o-
pus*

pus non levi sitis animo recepturi ; nam *Vestra* actiuosa
virtutis gravitas majoris est ponderis , quàm ut in auras
sublimetur. Ego sanè in presentiarum stylo gradior hu-
mili, non tamen serpentino : quia nimirum dedecet in e-
jusmodi serpere materia , quæ paucis tanta complectitur ,
quanta virtutis ac sapientiæ præbuit exempla JOAN-
NES in hac Alma, Celeberrima, ac Antiquissima Uni-
versitate Pragensi Philosophia Doctor. Doctorem audi-
tis Nepomucenum ? Hæc Vobis jam sufficit gloria : quia
Philosophum ; nempe in Doctore (quod idem est, ac Phi-
losophia Magistro) totum jam virtutis, ac sapientiæ in-
telligitur magisterium. Sed cur ego honori Joanneo mo-
rales subnecto Maximas, ut eas Vestris hodiernis honori-
bus deferam ? quia nimirum hoc ut agam, quæ vestrum
meritum, quæ integerrimus meus pro cumulata gloria ve-
stra pugnat & animus & affectus. In eo quidem opel-
la mea versatur argumento , ut si vestram ad omnem
virtutis omnigenæ amussim castigatam, formatamque mo-
rum, vitæque decentiam intuear, ad vos omnino spectare
vix aliquid putem ; nam per Ethicæ studium ad quodli-
bet activæ virtutis exercitium adeo estis eruditi, ut ipsam
in vobis Ethicam vivere fateri debeam ; si verò expen-
dam, quod prælectiones Philosophiæ moralis auditu dun-
taxat exceperitis , non itèmm pennâ eas in papyrum consi-
gna-

gnaveritis, compendium hoc Ethicæ vestras prensare dexteris quàm plurimùm videtur. Siquidem licet perspicax ingenii vestri acies facile penetraverit illius doctrinæ Maximas, quæ non minùs animum ad amplectendas virtutes manuducit, quàm salutarì prodesse consilio, jus dicere, æquitatem tueri, injurias docet antevertere; quia tamen ea omnium mortalium, & per consequens etiam vestra, est conditio, ut, quæ indefesso labore condidicerunt, eorum sæpe obliviscantur; ideo hunc Vobis libellum in memoriosæ facultatis levamen censui communicandum. Continet ille primaria moralis disciplinæ documenta succinctè posita, quæ, si fusiùs deducerentur, ipsa fors materiæ moles tedium afferret. Vos proinde, qui ad Reipublicæ felicitatem ita curritis, ut plenò virtutum stipati choragio, fortunato progressu intaminata virtutis Appiam decurratis, habete hoc munus vestris hodie honoribus consecratum. Legetis in eo limpidissimũ in fluentis Moldavæ gratiarum fontem S. JOANNEM Nepomucenum; simul verò præcipuas Ethici hominis virtutes cum gustu legetis. Quòd si eo animi candore pagellas has suscipitis, quò à me deferuntur; integerrimo in me affectu nunc quidem, porro chari vivetis Discipuli, nunquam non Amici, qui vestro addictissimus, & nunc, & aliàs vivo, vivámque

Nomini ac Honori

Integerrimus in Christo servus
Wenceslaus Kolbe è Societate JESU.

Concepit filium
in Senectute sua
Luc. C. 1. v. 36.



S. Iohannes de
Urbe Can.
Reg. natus
in sterilibus
parentibus.
Ribad. 2. Iux.

Ioannes Nepomuci ex grandævis
parentibus nascitur, cœlesti flam-
ma domum paternam ambiente.
Vita Num. 2. et 3.

S. Iohanna Græ.
Basil. Alpina
V. et Isabella
Lauri Reginæ
duæ sterilibus
nata. Lex.
SS. 17. May.



S. JOANNES NEPOMUCENUS

DEI-Parentis ope genitus ;

A Mari Gratiarum

Luci publicæ datus

U N I O.

SYMBOLUM : Unio extra pelagus.

LEMMA : Exemptus ab æquore ditat.

Unio nativæ rumpens cunabula conchæ,

Maturo pretii ditat honore solum.

Materno exemptus gremio, quàm fausta JOANNES

Augmentat pretiô Regna Bohema suô!

A

ELO-

ELOGIUM.



N ortu pennam acue Musa !

Nè Infantis auroræ amica

Tacuisse gloriam honoris videâre.

Purpuræ stylus innatet

Natales illustraturus Athletæ purpurati.

Magnum diluculat Thaumâ

JOANNES NEPOMUCENUS !

Quia luci datur publicæ

Gratia per Matrem gratiarum.

Nempe : nobiliorem aliis nancisci debuit Lucinam,

Quem haud clari generis Parens

Impetravit à serenissima cælorum Regina ,

Et illustrantibus domum empyræ pyris

Peperit ad claritatem.

Quàm illustris in ortu unio JOANNES

Unitis precibus ac votis

A MARIA gratiarum mari

Devotè exoratus!

Vitreas pelagi cunas

Suæ habent geneseos quasi Cannas

Cæteri in orbis pretium nati uniones;

Qui Bohemiæ Leonem suô venit augmentare pretiô,

Precum ope genethlia meruit cunabula

Non in salo Neptuni imperio,

Verùm in solo pietatis Marianæ sinu,

Ut

Ut prodigioso conceptu Czechiaë insinuaret,
Captu se futurum, omnique laudis conceptu sublimiorem.

Nimirum è serena undarum crystallo
Emergunt fulgidissima diadematum cimelia,
Gratiae Camilli ;

Pelago immerguntur gratiofo,
Ut in orbem feliciùs emergant.

Prodiga est oceani liberalitas:
Mirò naturæ ingeniò aquas diffundit ad prodigium,
Ut labantur, non dilabantur.

In undis specularibus pretiosos vehit uniones,
Ut pretium lucretur amoris alieni ;

Siquidem liberè sibi devincit universos,
Nè capta videatur,

Nisi vinculò gratiarum.

Majus in DEI-para Divinorum charismatum abyfso
Liberalitatis demirère ingenium.

Symbolò figuratur Oceani,
Et liberale priùs exhaurit ingenium,

Quàm genuinè laudari sustineat ;
Nam inexhausta, defideria exhausit singulorum,

Cùm unam gratiae Symbolam
Ad genethlia contulit JOANNIS
Illum è suo eximens gratiarum Alto,
Ut Bohemiaë Regnum à curis eximeret,
Unde sui petendum sit pretium honoris.

Hunc ergo immensum JOANNEÆ originis fontem

Felix Regnum ! Hyperdulix cultu corona,
Tuæque auctarium gloriæ Unionem
In perpetuo devotionis habe pretio.

C A P U T I.

De virtute morali genericè considerata.

Virtus sibi met pulcherrima merces.

Claud. in Consul. Manl.

Beatitudo hominis ab Aristotele definitur Lib. 1. Ethic. cap. 7. *Operatio animi secundum virtutem.* Felicitas itaque humana consistit in actione virtutis, quæ cives efficit bonos, ac legibus obtemperantes. Virtutis autem subiectum est animus, qui ex variis cognoscitur operationibus à potentiis rationali ac sensitiva proficiscentibus. Etymon virtutis oraculô Marci Tullii Lib. 2. Tusculan. QQ. apud Latinos à *Viro* deductum esse videtur; apud Græcos juxta Platonem in Cratylo *amabilem* denotat. At enim non tanti refert, unde suum sortiatur nomen virtus; sufficit enim, quòd genericè considerata sit: *cujusque rei perfectio, secundum quam ipsa res optimè se habet, & munere suo rectissimè fungitur*; uti explicuêre Pythagorei. Clariùs tamen ad mentem Philosophi L. 2. Ethic. ità definiri potest, quòd nempe sit *habitus agendi aliquid cum consilio, consistens in mediocritate quoad nos relata, & ratione definita, sicut vir prudens illam definiret.* Quamquam verò aliqui Veterum (quales fuêre Zeno, Menedemus,

demus , Aristo , cæterique Stoicorum) unam tantum dixerint quoad essentiam esse virtutem , quæ varias deinde sortiatur appellationes ; Divinus tamen Plato , Aristoteles , Cicero , alique rectè plures virtutum species constituerunt. Siquidem homini à natura non est inditum ejusmodi universale principium , quod eundem ad quodlibet honestum manuducat , sed virtutes morales frequenti exercitatione sunt acquirendæ. Si enim à natura mortalium animis forent insitæ , nullô pacto in illis mutarentur. Quod tamen fieri clarum est. Multi enim homines , utinam non plurimi ! suos mores sola conversatione , & aliorum consuetudine adeò immutant , ut quodammodo alii efficiantur ; quia nimirum ut canit Satyricus :

- / - - tamen ad mores natura recurrit
Damnatos ; fixa & mutari nescia.

Ut quis proinde veram felicitatem , summumque hominis in præsentè vita bonum obtineat , quod juxta Philosophum Lib. I. Ethicor. cap. 7. est *operatio animæ ex virtute* , ad plures acquirendas virtutes incumbat , oportet. Ea enim ratione virtuosas operationes cum gaudio exercet. Siquidem quævis actio virtutis comites habet honestatem , & jucunditatem juxta illam Alberti I. Rom.

Imp. tesseram : *Quod optimum, idem
jucundissimum.*

* * *
* * *

S. JOANNES NEPOMUCENUS

In tenera ætate
Dans magnæ Sanctitatis indicia ;

Genita Immortalitati

Libani Gloria

CEDRUS.

SYMBOLUM : Cedri plantula immortalis præ-
ludens virore.


LEMMA : Quàm quondam sublimis erit!

Quæ per Olympiadas vivum est habitura virorem,
Præluit tenero Libana flore cedrus.

JOANNIS virtus primo præluit in ævo ,
Quas probitatis opes sacra senecta dabit.

ELO-





ELOGIUM.



Æc immortalis Cedri gloria est :

Incomem non stare,

Sed comatam.

Stetit in perpeti Sanctitatis virore JOANNES,

Cùm vix natus, jam à virtute notus

Comem se exhibuit universis,

Illorum oculos & animos in se convertendo,

Suis æqualibus eminuit omnibus

In probitate nunquam minorennis.

Pro devotionis pabulo

Medullam nactus est Divinæ Cedri,

Sublimioribus ab Alto alitus influentiis,

Quidquid Divinum sapit,

In suam convertit animam.

Vix ablaetatus

Gratiâ crevit in Collaetaneum Christi,

Gratiarum penè Frater

Vel ab ipsis enutritus gratiis.

Amuffis arborum est cedrus

Nulli cedendo flexuræ

Semper in rectum collimat ;

JOANNES devio calle à virtutis via deflexit nunquam.

Ingens enim futurus Sanctus

Adhuc parvulus sibi magno prælusit Sancto :

Nihil omnino aspirans,

Quod

Quod odorem Sanctitatis non spirabat.

In cerea ætate maturus

Augustum explicuit senium omni actu ,

Nè quid actum agere videretur.

Omni gestu Divinæ Majestati placere gestiebat ,

Ut ardentis animi placaret desiderium.

Placavit, quia DEO placuit ;

Nempe : Cui mundus displicebat puero ,

Illum in puriorem cæli Candidatum elegit Numen,

Et ex homine fecit in carne Angelum ,

Ut sublunaribus sua non deesset Intelligentia.

Intellexit favorem Altissimi humilis JOANNES,

Alas proinde assumpsit Angelorum :

Nam Seraphinorum æmulus

Factus est amor alatus.

Quapropter affectu in sublimia evectus cælorum adyta

Ad ipsam aditum meruit Divinitatem ,

In infantia

Effectus Infanti VERBO penè familiaris.

Nempe : Divino Pusioni famulabatur tenerè ,

Ut virtutis callem teneret in adolescentia,

In hac adolevit adeò ,

Ut illi exolerent omnia juventutis illicia,

Quæ imbelles animos solent allicere quasi quædam bellaria.

Nihil habuit adolescentior ,

* *Psal.* 118. * In quo corrigeret viam suam :

Siquidem nondum plenè facundus

Ver-

*Suratabo mihi Sacerdo-
tem fidelem, qui iuxta cor-
meum et animam me-
am faciet.
1. Reg. C. 2. v. 35.*



*S. Ioan. Brid-
gemanensis
Cant. Reg. Sacr.
ficar. flammis
undique circum-
datus. S. 10. Octob.*

*Sacerdotio initiandus mensem
inter pietatis et poenitentiae opera
exigit. Vit. n. 5.*

*Ven. Ioannes
Thebaita So-
la Eucharis-
Domini
scripta vultu-
tunc. I. exc.
17. Febr.*

S. JOANNES NEPOMUCENUS

Sacerdotali Dignitate
condecoratus ;

GRATIOSUS

Agni Immaculati
PARANYMPHUS.

SYMBOLUM : Agnus niveo vellere super py-
ra immolandus.

LEMMA : Parem niveis sibi moribus optat.

Vellere qui niveo fit victima Numinis Agnus ,
Exoptat Mysten moribus esse parem.

Gratia JOANNEM Paranympum fecerat Agni,
Moribus an niveis Mysta cupitus erat ?

ELOGIUM.



Rgenteum vellus habere debuit Victima
Super pyra Domino empyrei immolanda :
Tum quòd agnum oportebat esse cæli Candidatum,
Quem extra viam lacteam
Religio consecrabat Tonanti summo :
Cum quòd agnus absque macula in testamento veteri
Præfiguraret Agnum DEI Legis novæ.
Immaculatam sanè hostiam !
Pro humani generis macula originali
Semel Patri æterno in ara crucis oblatam,
Multifariam sub niveo panis vellere
A veris velati sub humanitate VERBI Ministris imolandum,
Quos sibi optat moribus pares edule Numen :
Quia nive puriores in carne Angelos ,
Ut cum Divinæ Majestati Agnum litant immaculatum.
Lactentis innocentiaë audiant Paranymphe.
Talem magni Consilii Angelus fecit JOANNEM,
In quo gratia naturam vicit,
Pudicitiaë triumphò Illum pariens
In carne, sine carne ,
Mentem cælicam in vase fictili.
Angelicum nempe affecutus est privilegium ,
Quòd in lutea carnis argilla non timeret uri,
Cujus ignes Angelicæ nives temperabant.
Solius VERBI Incarnati pastus deliciò,

Adeò

Adeò ab omni carne factus est alienus,
Ut quaslibet nauscaret Sirenum delicias.

Vixit Angelus sub carnis velamine
Nullius navi umbra comitante spiritum.

Nimirum: gemma Virginum ad amari æquoris spumam
Nunquam potuit gemere.

Odio habuit Cypridis labruscas,
Non vernantia pudicitiae lilia;

Siquidem Illius verecundiae albicans rubor
Haud castas palliavit nives.

Non assequebatur natura prodigium:

Quòd in corporis pondere

JOANNES solo viveret spiritu in sublimi.

Cælitum candicavit liliis

Virgineus in terra Hospes;

Parthenium omni conatu custodivit pedem,

Nè offenderet in spinas,

Suique cruoris purpura rosas tingeret.

Immaculatas custodivit semitas,

Et lilia fecit illibatis succedere vestigiis,

Quæcunque formâset plantis.

Eluctatus in castæ Reipublicæ concivem,

Cælestem obtinuit municipatum.

Castitate sancta,

Moribus niveis, operum candore

Æternum æmulabatur Sacerdotem

JESUM CHRISTUM,

Cujus Divinum Corpus & Sanguinem
Quoties ad aras litabat,
Toties ab æterno Patre pro sua exauditus est reverentia,
Et lites inter Numen ac peccatores dirimebat
Verus Agni Immaculati Paranympheus.

C A P U T III.

Quibus mediis acquiratur Prudentia?

Prudentiam longa vita & multus rerum usus affert.

Dionysius Halicarnas. Lib. 8. cap. 28.

UT prudentiæ acquirendæ media Politico Afranius ostenderet, Agellio teste Lib. 13. cap. 8. ità loquentem induxit Prudentiam: *Usus me genuit, mater peperit memoria.* Usus enim verò plurimum confert ad Reipublicæ negotia cum felicitate tractanda. Constat namque gubernatorem nihil magna laude dignum sinè exercitatione ac usu effecturum. Siquidem oraculô Plinii Lib. 26. Cap. 2. *Usus efficacissimus rerum omnium Magister est.* Quapropter Henricus IV. Galliarum Rex usum, seu experientiam suam grandem librum vocare solebat, cujus lectione brevi tempore plurimum perfici possit. In primo igitur mox ætatis flore ad negotia animum applicuisse cum primis juverit. Nam longo tempore opus est ad detegenda tot rerum stamina, qualia in publico regimine occurrunt. Quam ob causam sapientissimè monebat Guëvarra in epistolis, cùm scriberet: *non omnis Juris-Consultus aptus ad regendum est; judicia Juris-Consultis committantur, gubernatio prudentibus.* Et paulò infrà: *ex multis intelligi potest, quàm sæpe do-*
Arina





Handwritten text at the bottom center, possibly a signature or a note. The text is faint and difficult to read, but appears to be in a cursive or semi-cursive script. It is located below the large rectangular area.

Small handwritten text or a stamp located in the bottom right corner of the page. It is also faint and illegible.

ELOGIUM.



Uum in sinum recipit cælicum rorem conchyle,
Et guttas ab alto depluas
Intrâ alti gremium in gemmas maturat
Liquidum addendo pretium,
Ut stillæ cælestes sui æstimationem instillent,
Alântque in mortalium animis.
An amabò aliud JOANNES intendebat,
Cùm severioribus intendendo disciplinis
Doctôratûs Lauream adamavit?
Magnum indeptus honorem à Lauro
Eidem contulit majus gloriæ auctarium:
Qui naturam superavit ingenio,
Ingenium decoravit naturæ excellentiâ:
In alterutro nulli secundus,
In utroque primus.
Siquidem uno foederatæ nexu
In JOANNEM immigrârunt Sapientia
Cum toto Charitum concilio.
Adoravit Bohemiæ Regnum cumulata scientiarû dona in uno,
Quæ per singula Palladia sparsim non invenit.
Nam Pieridum æmulus non metra plectrô,
Sed plectrâ metiebatur gratiæ tonô.
Tullium audiit Præceptorem ore facundus,
Moribus ac virtutibus fœcundior.
Sidus Ille noctibus Atticis,

Non Atticæ Illi noctes umbra;
Sic ingenio studuit illustrando,
Ut aliorum geniis arrideret,
Ipsamque Aulam illustraret Carolinam.
Amor Sapientiæ Philosophus
Sapientis amoris in JOANNE invenit terminum;
Tamenim Illi fuit excentricum amare sapientiam,
Quàm sapere amorem.
Non solum Stagyrtes in Athenæo,
Etiam Peripateticus in stadio,
Quod non decursu,
Sed felici decurrit statione
Laureatus AA. LL. & Philosophiæ Magister.
Sacrorum Canonum Doctor,
Unum hunc sibi præfixit canonem,
Ut sacrò Jurisprudentiæ studiò consuleret omnibus,
Consiliò nemini obesset.
Hæc Illius in sacris legibus fuit novella:
Antiquare exlegem Juris naturam,
Et novæ legis gratiam in se ad maturitatem educare.
Ut Pragenæ Tripoleos erudiret Lycæa,
Laureatam illis intulit Minervam;
Ea in auditorum animos instillando,
Quæ priusquam elucidaret JOANNES,
Vix ullus capere potuit Jurisperitus.
Capitulum de Summa Trinitate adeò scitè explanavit,
Quasi Divinam Triados Majestatem vidisset sinè velo.

In tertium raptus est Cælum Paulus ,
 Ut terras erudiret ,
 Quid in Superûm Odæis traderetur.
 Ænigmata retulit Orbi, illa enarrando,
 Quæ eloqui non potuit Doct̃or gentium Silentarius.
 A silentio Urbi & Orbi notus JOANNES
 Habitantem in Cælis Palladem Increatam
 Terris fecit inquilinam :
 Ità Trinitatis explanans Theorema,
 Ut penè clarum fieret summum fidei arcanum.
 Didicerunt sub hoc Doct̃orum Sole
 Scholares omnia dilucidè,
 Illius enim præclara docendi methodo
 Obscura etiam inclaruerunt ingenia ;
 Et Carolina Universitas tantam sibi fuisse additam
 Stupuit claritatem !

C A P U T IV.

Otium ad Cleanthis lampadem amat , qui
 honorum aptatur negotiis.

Totius naturæ universitas proscribit otium, nè præscri-
 bat suæ felicitati. Respublica otium amat , ut Vi-
 ri aptentur honorum negotiis. Unde ad Cleanthis lam-
 padem lux sapientiæ intellectui est comparanda , ut bono

publico invehatur merities. Nam si cum mortuis quietè non converſetur Politicus, pacem civibus, vitam legibus, ſemitam gloriæ ſuis abſtulit promovendis honoribus. Multùm quidem praxis poteſt, quæ ſcientiam præſupponit; hæc verò ubi deeſt, communitalis membra practicam ſuſtinebunt ruinam. Cynicus oportet ſit homo, cui do-
lium ſerviat pro Muſæo; non ut è latebris allatret, aut car-
pat; verùm ſubſellia occupet honoris cum Platone Regi-
bus aſſiſtendo, ac Rempublicam adjuvando. Tot inter
æmulos dexteritatem adhibere ſpecioſa eſt honoris forma;
quam tamen nemo in bona forma apprehendet abſque o-
tioſa contemplatione. Haud aptus eſt honori publico,
qui ſibi priùs in veri ſpecula imperium non præſcripſit.
Non opus eſt carere agendi dexteritate, dummodo quis de
ſapientia non ſentiat ſiniſtrè ad dextram gloriæ ponendus.
Multos extulit actio theoriæ fœderata, qui cæterà fœdè
jacuiſſent abſque otio. Suspiciit orbis literata Græciæ Nu-
mina Solones, Pythagoras &c. quos deſpiceret; niſi ſub
patriæ porticu conſediſſent diu, ut legerent meliora, uti-
liora edocerent. Quæcunque agenda ſunt, nemo ſug-
geret, quomodo ſint gerenda, qui aciem intellectûs excul-
tam non habet per otium. Malè frequentat Comitia, vel
Sapientum ſubſellia, qui priùs ſedere nescivit ad pulpita.
Mixtæ nunc vitæ melior orbis eſt: quia non niſi ex con-
templationis & actionis connubio naſcitur pulchra ſoboles
honoris. Diu cogitandum, ut aliquando ad felicitatem
publicam Vir ſublimetur; cùm ſedendo tantùm fiat ſapiens

ani-

anima, quæ ad publicum attollitur honoris essendum. Potiorem vitæ cursum sibi vendicat studium, quod aulis ministros, clientibus Patronos, militaribus labaris heroas format. Nequit esse felix, qui miser ingenio illud per otium non excolit; neque merebitur aurea, qui capitis talenta negligit. Stare ad januas Curiaë illi gloriosum est, cui per Musarum amœna priùs placuit otia. Non citiùs publicæ luci, quàm Lycao se concedit sapiens, ut è flore scientiarum reportet fructum honoris. Respublica cupit & capit à scientiæ præmissas, ut ex præmissis feliciter otio Virum ad honorata promoveat negotia, sicque in forma suam concludat felicitatem.



S. JOANNES NEPOMUCENUS

Canonica dignitate clarus ,

Ad imos tamen se demittens ;

SACERRIMUM

Ecclesiæ Metropolitanæ

SIDUS

Influxu suo humilia illustrans.

SYMBOLUM : Primæ magnitudinis stella è firmamento sublunaribus influxu proficua.

LEMMA : Lucet, simul influit astrum.

Quod stellæ radii; JOANNI gratia præstat:

Illa micat vulgo, nec minùs Ille micat.

Non jubar illustres dotes obscurat in Illo,

Lucet ut antè, sacro clarus honore nitet.

ELO.

ELOGIUM.



Idus primæ magnitudinis
Primum speculatore menis oculo contemplare,
Demum grandi speculari animo.

Diffundit claritatem in firmamento,

Ut Telluri infundat splendorem,

Suâque locupletet beneficiâ soli abyssum.

Dives lumine, influxu magnificentius

Suæ lucis non reformidat imminui majestatem,

Si radioso fulgore se imis communicet.

Nimirum : illæ sæ perennant Superûm opes,

Si custodiâ tutentur lædi nescia.

Ità suæ claritatis splendorem custodivit JOANNES,

Dum sacra Canonikatûs Metropolitanæ dignitate clarus,

Inter pauperum nequibat obscurari mapalia;

In his enim evasit illustrior:

Quia inter casus ignobilis populi factus Sanctorum Civis.

Prælati DEI domesticus,

Divino gratiæ puniceavit fulgore.

Cum NEPOMUCENUS tanquam sidus D. VITI Ecclesiæ illuxit,

Altum honoris conscendit fastigium,

Ut haberet, unde Christi causâ descenderet,

Atque amplius splenderet humilitate.

Collactaneus nimirum est luci innocens candor,

Neque officit fulgoris aulæo etiam in caulis,

Quando humillima virtus tutrix illius & auctor est.

Vigi-

Vigilem inopum curam declaravit opere,
Solicitudinem pro his in centuplas partes dividendo;
Ab illis tamen nulla Ejus splendori immigravit caligo,
Sed integra perstitit supellex serenitatis.
Splendida JOANNEÆ lucis majestas
Eodem semper splenduit sudô,
Etiam cùm inter tuguria desudaret.
Nempe : minui non potuit sacri honoris lumen,
Quod nova semper virtute JOANNES auxit,
Et cum hominibus obscuris agendo
Umbras consortio proscripsit innocenti.
Aulæ Regalis Eleemosynarius
Intaminatis in palatio rutilabat honoribus,
Sibimet in candore augustæ lucis penè nullus.
Vulgi ergo adamavit Umbriam,
Et inter viles mundi animas non viluit,
Sed tanquam stelleum fulguravit cimelion;
Quolibet siderum adamante fulgidior.
Quando pressum inediâ popellum sublevabat,
Nullus attror maculosus adhæsit JOANNEO splendori,
Verùm novam diffundebat lucem,
Opes regias liberè ac liberaliter profundendo.
Quisquis igitur (estò egenus) ætheream expectas lucem,
JOANNEO Fulgori præsta homagium;
Hoc enim Duce
In perpetuas fulgebis æternitates.

C A P U T V.

De pietate in DEUM.


*Omnis sapientia hominis in hoc uno est, ut DEUM
cognoscat & colat.*

Laëtantius Lib. 3. Instit. cap. 30.

Virtutum moralium basis audit pietas, quæ est rectus de DEO sensus, rectus in DEUM cultus. Pietati enim verò, quæ mortalium animos DEO conjungit, cæteræ virtutes facile superstruuntur. Quapropter illius necessitatem ac utilitatem tam ad privatam, quàm ad Reipublicæ felicitatem interesse ipsi adeò gentiles agnoverunt. Est autem pietatis initium, ad mentem Magni Aurelii Lib. 1. de Libero Arbitr. cap. 2. *de DEO optimè existimare.* Nam qui rectè sentit de Numine, simul Eidem ità placere studet, ut non tantum honestatem colat, verum etiam pacatissimè, jucundissimèque vitam traducat. Si eo sensu rectè imbutus fuisset Sejanus, nunquam adeò insanè in DEUM, adeò detestabili nequitia in genus humanum grassatus fuisset. Politico igitur, quanquam Gentilis foret, illud Taciti Lib. 5. Histor. cap. 8. constare debet: *unum esse regnatorem omnium DEUM,* ut honesti amorem sectetur. Nec verò mente solum Numinis æstimationem concipiat, sed etiam exteriori cultu, religione inquam, Eidem exhibeat reverentiam, quæ in qualibet Republica plurimum ad felicitatem conducebat, atque
D etiam-

etiamnum conducit. Unde testimonio Plinii de Viris Illustr. cap. 2. Numa Pompilius II. Rom. Rex ferum antehac Latii populum religione domuit. Nimirum illud effecit, ut quem ratio ab innata feritate non poterat, eum religio ad humanitatis officia reduceret. Ac profectò sinè hac virtute fieri non potest, ut populus, communitas in officio contineatur, aut quis se ipsum regat. Quam ob causam, ut testatum reliquit M. Varro, quotiescunque Romanus cogeatur Senatus, hoc ipsum primò in quæstionem veniebat: utrùm ea, quæ ad religionis majestatem faciebant, inviolatè servarentur? Ità nimirum vel existimata religio ad felicitatem Romanorum interesse videbatur! Quantò magis illa conducet, quæ vero Numini litat? Hæc verò una tantùm in Republica vigeat, ea nimirum, quæ vera est, atque Orthodoxa. Siquidem Virorum sapientum interest Majorum instituta liquida veritatis tueri sacris, ut non modò præsentis vitæ, verùm etiam futuræ felicitatem obtineant.





*Non enim sonus sicut
plurimi, adulterantes ver-
bum DEI, sed ex sincerita-
te, sed sicut ex DEO, coram
DEO in Christo loquimur.
2. Cor. 12. v. 17.*

*S. Ioan. Marius
Socius Pauli
et Barnabae,
in praedicat.
Evangelij.
Cornel. in Act.
Ap. 27. Sept.*

*Magno fructu ad populum di-
cens fit Ecclesiastes primus in
Thuringensi B. V. de in Cathedra
li S. Viti Ecclesia. Vit. n. 5. et 6.*

*Vice Ioannes
Rambaud Che-
nic. vii. a
Spiritus Sa-
Tuba dictus.
I. ex. 16. Febr.*

S. JOANNES NEPOMUCENUS

Obstinatis peccatoribus pœniten-
tiæ lacrymas eliciens ;

PYROTECHNA DIVINUS

Constricta gelu vitiorum corda
In pœnitentiæ lacrymas resolvens.

SYMBOLUM : Sirius Alpium nives liquans in
undas.

LEMMA : Fervore gelata resolvit.

Sirius Augustô fervens montana resolvit
Vellera, & in properis amnibus unda tumet.

JOANNES æstu Suadæ glaciata perurit
Pectora, & in laticem cogit abire genas.

Gutta præit, sequitur mox altera gutta priorem,
Atque reus lacrymis diffuit oris honos.

ELOGIUM.



Humanitate velatum Numen
A regali empyrei solio
In Palæstinæ solum descendens
Ipsam penè humanitatem exuit,
Cum ejus induit lacinias.
Siquidem Princeps pacis
Principalem non gessit curam,
Ut olea pacis inter mortales triumpharet :

Matth. 10. * *Non veni pacem mittere, sed gladium.*

Invisit terras, cum non viderent obstinatorum lumina,
Nox in suo cursu medium haberet,
Silentium tenerent omnia;
Et ferreo chalybe feros minatur tumultus;
Imò feroces insinuat minas & flammæ,
E Patris æterni sinu ante Luciferum genitus
Divinus Pyrotechna :

* Luc. 12. * *Ignem veni mittere in terram, & quid volo,
nisi ut accendatur ?*

Cædem ergo spirat,
Sed gladiô Spiritûs inferendam peccatorum Hydris;
Ut mortales verbô vitæ eruditi
Capita præcîdant vitiorum,
Et vitam habeant abundantius liberi à noxis capitalibus.

Ignem

Ignem sui emittit eloquii, *
 Ut liquefaciat corda,
 Boreali condensata gelu vitiorum.
 Unigenitum DEI FILIUM
 Æmulatur genitus in animarum salutem JOANNES,
 Non præcursor in deserto,
 Verum disertus in Euangelii præconio;
 Qui dum gladio spiritus eloquium acuit,
 Innodatos etiam solvit peccatorum gordios;
 Cum Divini amoris exarsit ignibus,
 Malos ignes in perversorum animis extinxit,
 Extinctos sub pœnitentiæ cineribus tumulavit.
 Alter in perorando Chrysostomus
 Aurei Oris eloquio
 Crisim adeò fervidè vibrabat in scelera,
 Ut irretitas facilè ab orco prædas,
 Melioribus verborum pedicis implicuerit liberas,
 A strage liberando,
 In auream filiorum DEI libertatem asserendo.
 Ea fuit JOANNÆ dictionis efficacia,
 Et efficax gratia,
 Ut plures quandoque converteret peccatores,
 Quàm verba haberet oratio copiosa.
 Audivit olim Judæa in Zachariæ filio
 Vocem clamantis,
 Sed loquentis per os Prophetæ Numinis
 Sensa noluit intelligere insensata:

* Alluditur
 ad illud Ps.
 147 *emittet
 eloquium suum,
 & liquefaciet
 ea; stabit spi-
 ritus ejus, &
 fluent aquæ.*

Nè cogeretur intellectum captivare in fidei obsequium,
In Agno DEI Messiam agnoscendo,
VERBI Dīvini

Verba vitæ ad morum emendationem sequendo.
Adeò nimirum vel ipsa Vox Increatæ Eloquentiæ

Exiguos creavit fructus
In cordibus petrâ circumcisis!
Ubi verò insonuit Suada Nepomuceni,
Omnium vinculavit corda;

Et quamvis faxea,
Oratione tamen non ligata,
Ad pœnitentiam attraxit compedita.
Verè in gratioso JOANNIS labio,
Quilibet sacri thematis apex

Semen erat frugiferum,
Et istud fertilius, quàm Euangelicum:
In pessima nimirum etiam terra, spinasq; inter ac vepreta
Fructum protulit centuplum,
Perditissimos quoque ad bonam frugem animando.

Amplius mirêre:
Armata Divini amoris incendiô Gratiæ facundia
Peccatores gelu vitiorum constrictos

In amaras resolvit lacrymas:
Nam reorum lumina

Gratiarum aspirabant limina,
Et fœcundissimos profuderunt lacrymarum latices,
Ut per secundam post naufragium tabulam è vitiis enatarent.

Nem.

Nempe : cælestis Sirii fervor eluxit
In ignito JOANNIS eloquio,
Divini Pyrotechnæ,
Pyroënte Solis æterni :
Ille crySTALLINAS Alpium nives liquat ;
Hic rigida criminibus mortalium pectora
In pretiosos fletuum emollivit uniones
Ad immortalis vitæ emolumentum !

C A P U T VI.

Pietas Viro ardua complanat.

Qui publica sequitur, nil tutò assequitur, ubi flamma pietatis non præluet. Non errat, qui cum DEO ambulat; orat etiam, cùm silet. Plus ad felicitatem Politici interest oratio, quàm perorandi facultas humano profit commercio. Simpliciter ens simplicissimum agi secum desiderat, ut ardua homini complanentur. Hinc dum in corde non est verus in DEUM sensus, neque ad felicitatem est Numinis consensus. Ad judicii urnam sedens non tanti æstimat animorum turmam ; sed per orationem ejus semper habet rationem, ante cujus Tribunal reddenda est ratio. Civilis vitæ princeps est fundamentum pietas, quæ omnium creaturarum Principis reverentiâ & retrahit à noxis, & ad utilia pellicit. Viderunt Sapientes gloriosa imperia, quorum tamdiu in plano majestas, quamdiu stabat pietas ; ruinam passa, cùm dominaretur impietas. Floruit Roma, neque ardui quidquam

quam habuit, quando ad aram Jovis statoris stabat Numa Pompilius, Rex ac Pontifex paradoxus; collum submisit jugo urbium Domina, dum Tarquinius superbus, quia improbus, in papavere capita decussit Sabina. Pulsa nimirum pietate Morpheô criminum sopitus de una crudelitate somniabat. Victoriis orbem peragravit Macedo maximum ipse thauma, quòd fortitudinis portenta superaret. Ubi autem Numine contempto adorari voluit ut Jovis filius, sagittam sensit Palladem sibi adversam, & fato præcipiti è gloriæ effuso in mortualem cecidit urnam, expertus Minoëm inimicum, qui minas Deorum fastuosè intentabat. Sic nempe qui cum Superis fabulam ludit, justè illuditur, & in arduis planos non habet successus. Quavis ætate felices ministri ipsis in aulis sunt pietatis magistri; fallax non felix ingenium est, quod proba voluntas non manuduxerit. Impio sapienti etiam nemo credit; in pium sua quisque tutò deponit. Ubi neglectus Numinis admisit vitia, nec infortuniis fores clausit, quæ tamdiu accessu prohibentur, quamdiu non receditur ab Altissimo. Hoc uno politicus in arduis rebus planam sibi facit victoriæ spem, si preces sumat pro armis, & pietate cælum expugnando publici statûs facili-
litet negotia.



S. JOANNES
NEPOMUCENUS

Forti animo carcerem ingressus;
Magnanimus umbrarum,
&

ELOGIUM.



Aradoxum naturæ prodigium
Mori velle, ut nascaris ;
Vitam non tanti valoris ducere,
Nisi mortis fatum ad vitam gloriæ manuducat ;
Sordibus adobruui,
Ut virtutum honos non serpat humi.

Audendum tamen :
Quia fatis obnoxium humanis
Facit homines ad heroos virtutum ausus innoxios.
Phœnicem contemplare,
Ad solis intuitum verè felicem :

Inter gregem non computandus :
Quia sui contemptor eximius.
Pigri Neronis fulmina,
Quæ à Regali bruto evibrata fuêre bruta,
Innubi excepit fronte,
Animum gerens quati nescium.
Nempe : docuit adversæ Fortunæ obscurô
Virus fortem posse illustrari,
Illiusque genio illudere, non illudi.
Fortunam proinde in carceris umbras conjectus
Evocavit in apricum,
Ut victa nôsset, cui colluctaretur,
Et luctam coronaret luctus superatæ.
Ridentem cùm nollet, sensit fulminantem :
Utramque contempsit.
Potuit impeti nubilô,
Non impediri à sereno etiam in ergastuli umbria.
Aulâ pulsus
Patientiæ impulsus dedit,
Ut misérias præveniret,
Quæ innocentem sequebantur Exulem.
Compede ferreâ victus,
Feris pejorem vicit Tyrannum,
Et liberos retinuit animi affectus:
His inter squalores vinculatus
Ad thronum Divinitatis provolabat,
Cùm infractâ fulgeret tolerantia JOANNES in vinculis,

Lucem fugit,
Et in reorum cavernis noctem ignoravit culpæ.
Mirare à caligine prodigium nasci luminis,
A lumine umbrarum splendorem,
Quem præ Phœbi incolatu carceri fecit domesticum
Obscuræ specûs illustris inquilinus.
Inter crudeles tortorum manus,
Non torrebatur æstu vindictæ,
Sed manebat amœno vultu hilaris
Ipsam spirans amœnitatem.
Cruciatus non Illi novæ cruces,
Verùm cupiti fuêre duces ad patiendum.
In equuleo extentus
Animi servavit æquitatem :
Iniquum reputans crudelitati herbam porrigere.
Tædis & facibus
A carnificum fœce ustulatus ,
Nullum admisit mentis tædium;
Tædebat tamen Illum scelus intueri,
Quod imperatâ sui corporis lanienâ
Coronatus patrabat leno manibus aliorum.
Vinci nimirum non potuit JOANNES etiam vinctus,
Nam omni sensu integerrimus,
Sensu carere videbatur in corpore,
Quem solus cruciabat amor plura patiendi !



CAPUT

C A P U T VII.

De Fortitudine.

Splendidissimum videtur, quod magnò animò factum est.

Cicero Lib. I. de Offic.

Fortitudinis actiones maximè splendent, & in admirationem, oculósq; cadunt. Hæc enim virtus circa res maximè arduas versatur servando mediocritatem in iis, quæ metum vel fiduciam animo adferre possunt in adeundis ac perferendis laboribus honestatis & publicæ utilitatis gratiâ. Cum primis autem versatur fortitudo circa horrorem mortis vincendum; nam oraculò Philosophi L. 3. Ethic. cap. 6. *mors maximè rerum omnium est horribilis.* Quamdiu enim verò præsentem agimus vitam, si non actu quæpiam bona possidemus, ea saltèm speramus à nobis obtentum iri; nimirum adeò vel ipsos canente Poëta: *Spes alit agricolas.* Mors autem non hominem duntaxat omnibus bonis spoliât; verùm omnem etiam spem (quæ unicum cæteris in malis est solatium) mortalibus adimit quoad bona præsentis vitæ, quemadmodum dicitur: *Spes est in vivis, non est spes ulla sepultis*; in hac nimirum mortalitate. Non tamen quælibet mors objectum est fortitudinis, sed illa solum, quæ propter honestam appetitur causam, ut propter religionis, patriæ, libertatis, legum, &c. defensionem; verbò: *pro lege, & grege*, juxta Sapientum parcemiam. Unde Græci olim ac Romani maximis honoribus, præmiis & laudibus eos judicârunt esse dignos, qui ob aliquam ejusmodi causam morte vitam comutassent. Terribilium autem duo sunt genera; quæ-

dam enim dicuntur esse supra hominem, id est majora sunt, quàm ut ab humana possint natura contemni, vel sustineri, velut terræ motus, inusitatae tempestates, &c. quæ iram DEI, publicasque calamitates denuntiant. In his fortitudo non habet locum; nam qui ea contemnunt, aut mente viduati, aut planè athei sunt. Quando tamen similia eveniunt, tali casu secundùm Philosophi sensa Lib. 3. Ethic. cap. 7. *Fortis vir ut homo erit interritus; timebit tamen ejusmodi mala, sed ut oportet, & ut ratio præscribit.* Cæterùm si hæc non metuat, quemadmodum Aristotelis testimonio neque terræ motus, neque tempestates timebantur, audax est. Alterum genus terribilium est eorum, quæ dicuntur *juxta hominem*, quæque possunt à forti viro contemni ac sustineri, ut sunt labores, molestiæ, dolores, &c. Siquidem ut habet Latii sermonis Alpha Lib. 3. de fine: *qui magno animo atque forti est: omnia quæ cadere in hominem possunt, despicit & pro nihilo putat.* Idem censet Romanus Sapiens L. 3. Naturalium QQ. scribit enim: *hoc est præcipuum, posse letò animò adversa tolerare; quidquid acciderit sic ferre, quasi tibi volueris accidere.* Est autem in periculis fortiter tolerandis causa præcipuè trutinanda. Horum prima est veri Numinis gloria, virtutum integritas, ac ceterarum, quarum suprà meminimus. Ubi enim hæ patrocinantur, fortis animi est proprium etiam sanguinem inconnivis contemplari oculis. Erigendum itaque inter adversa pectus; imò *Audendum tibi aliquid, si vis esse aliquid,* aiebat Propertius; quin & Juvenalis Satyr. I. *Aude aliquid brevibus Cyaris, aut carcere dignum, si vis esse aliquis.*

S. JOANNES NEPOMUCENUS

*Ob illæsum Sacramenti pœnitentiæ sigillū
actus in Moldavam præceps ;*

TRANSLATUS
Ad cælestis gloriæ Zodiacum
PISCIS.

SYMBOLUM : Piscis in flumen conjectus.

LEMMA : Dabit unda vigorem.

Pinnigero nimboſa nocent nîl flumina piſci,
Cæruleis vivit contumulatus aquis.

JOANNEM mutum fecêre ſilentia piſcem ,
Civi non potis eſt unda nocere ſuo.

Municipem meliore novum replet unda vigore,
Æthereiſque facit piſcibus eſſe parem.

ELO-

ELOGIUM.



Rbis filere oracula,
Cùm pisces muti sibi elogia deposcunt
Silentio vocali!

Taciturni pinnis sulcant flumina,
Ut ad pinnacula firmamenti,
Ad cælorum transferantur lumina :
Incolæ fluentorum è vitreis undarum sedibus,
Ad fluidum supernæ regionis incolatum.
Qualem JOANNES meruit Silentarius,
Præceps in Moldavam actus,
Quòd præcipitare nollet in violando Sacramenti pœnitentiæ
Sigillo.

Apposuit sigillum ori,
Nè in Regias aures deponeret arcana ;
Probè gnarus bonum esse :
Regis æterni Sacramentum abscondere.
Placuit mutus salienti aquæ in vitam Christo,
Unde vitam gloriæ hausit inter undas :
Verè piscis ad cæli zodiacum translatus.
Certabant aquæ pro JOANNE,
JOANNES pro fluentis contendebat ;
Illius enim consortiò fluebant vividæ ,
Ceu è fontibus vitæ scaturirent.
Nemo tunc potuit Moldavam piscari in turbido,
Cùm in serena fontis sui crystallo
Gratiam haberet turbæ natatiliū sociatam.

Stupuit innocens Nerei aula
Suo natare in domicilio innocuum cæli Civem.
Sponte igitur adnatavit ad JOANNEM
Pinnis testificans Pæana,
Quòd sua numeraret in penu Gratiam velificantem.
Novam Nereides miratæ sunt Confluentiam
Non cetis gravidam
Sed gratioſo cætu exundantem.
Attonitæ rei novitate steterunt undæ ,
Haud Israëlitici ducis imperiò ,
Vel portentosa percussæ virgâ ;
Verùm habitò ex arena consiliò
Ob coactum muti gregis concilium.
Portentum mirêre
Fluctuum liquidò firmatum testimoniò
In ipso fluxu hærentium !
Tantò videlicet dignus erat volubilis elementi thaumate,
Qui firma voluntate sacri corporis cymbam
Fluentis maluit committere,
Quàm audita in pœnitentiæ tribunali arcana
Pœnitendò sacrilegiò
Sacrilegæ concredere Majestati.
Mutus verè piscis in fluctibus salo amicis:
Prodigiosæ metaphoræ privilegiò
In crystallinum empyrei evectus solium ;
Ubi in gloria Sanctorum
Suæ loquitur Taciturnitatis gloriam.

CAPUT VIII.

Verùmne illud Menandri apud Stobæum Sermonem 3.

Famulatur omne, quidquid est, prudentiæ.

Cùm sæpenumero Viri in Republica prudentissimi, atq; ad res præclarè gerendas accommodatissimi quamvis omnia, fortunam tamen sibi non habuere famulantem; meritò in dubium vocari potest: an, quemadmodum omnia, sic etiam fortuna prudentibus famuletur? Ità profectò evenire judicandum est; nam licet prudentes Viri adversos experti sint casus; hi tamen ad virtutis incrementum, adeoque summam felicitatem iis prosuere. Illorum enim prudentia facultas erat in sinistris etiã fati inveniendi felicitatis instrumenta. Quamobrem Philosophi prudentiæ ministram esse voluerunt fortunam, juxta metrum Plauti Trinum: 83. *Sapiens pol ipse fingit fortunam sibi.* Sumit autem hoc loco princeps Comicorum sapientem virum pro prudente. In eandem sententiam loquitur Cicero, in Paradoxis enim inquit: *nec est ulla res, quæ plus apud prudentem polleat, quam ipsius voluntas atq; judicium; cui quidem etiam, quæ vim maximam habere dicitur, fortuna ipsa cedit, sicut sapiens Poëta dixit: suis ea cuiq; fingitur moribus.* Quod ipsum etiam affirmat Appianus in Sallustiana ad Cæsarem oratione, dum ait: *fabrum suæ esse quemque fortunæ.* In vanum igitur mala omnia ad crimen fortunæ relegantur, cum nemo nisi suam culpam diu doleat. Huc providè spectabat, huc sua referebat omnia Suetonius Paulinus, cui cauta potius consilia cum ratione, quam prospera ex calu placebant. Hoc principium si observet Ethicus, illud Sophoclis Antig. v. 5. à fine, verum judicabit: *Longè prudentia felicitatis primas tenet.* Siquidem suffragante Polybio Lib. 3. Histor. *qui in aliquem casum inciderit, si id animosè fortiterque (ad leges prudentiæ) tulerit, plerumque fortunam suam in melius mutat.*

S. JOAN-

*Lampades eius, lampades
ionis atque flammarum.
Aquæ multe non poterunt
extinguere charitatem de.
Cant. C. 8. v. 6. et 7.*



*Corpus Iohannis coelesti concentu,
ac luce, regredientibusque aquis de-
tegitur. Vit. n. 15. Process. f. 356.
Simon. N. 10. §. 1.*

*B. Ioh. Amb.
huc Ord. Sicut
in monte cum
pauca sponte
ingruntis glia
refluat.
For. 1. q. 10.*

*B. Ioh. Amb.
deus a mor-
te. Cap. 1.
a vultu ma-
raculo alla-
bit. Lxxv.
24. Ioh.*

S. JOANNES NEPOMUCENUS

In Moldavæ undis fiderum coronâ
redimitus ;

FULGIDIOR
E fluentis Moldavæ

EMERGENS

PHOEBUS.

SYMBOLUM : Sol ab undis emergens.

LEMMA : Gignit meliorem Moldava Phœ-
bum.

Eois veniens Titan redivivus ab undis,

Fulgida de fluidis lumina sumit aquis.

Fulgidior tamen est, merfit qui flumine vitam

JOANNES : majus sumit ab axe jubar.

ELOGIUM.



IOANNES in flumine

A Superis coronatur lumine cælico,

Floridum nomen incendii obtinet à Majo,

Argenteis firmamenti floribus redimitum

Gratiosum Luminare majus !

Nimirum : illustres animæ etiam post fata

Ad fulgorem enascuntur,

Si in morte magis incandescant amore Numinis,

Quàm frigida exæstuet Tyrannis.

Excanduit furente igni in clarum Athletam

Fumofus Czechia Mulciber ;

Sed Gratiam injecit Moldavæ

Prodigiosis illustratam sideribus,

Quæ ipsa adeò frontis lumina spectatorum siderârunt.

Meditabatur redimitus cidari regiâ piceatus Sterops

Obscurum in fluctibus crySTALLINIS funus;

Verùm undæ quinis inclaruerunt empyrei nitedulis,

Ut inter humidæ noctis umbras

Illuminata niterent Martyris exuviae.

Pugnantes videlicet ignibus aquæ

Amicum inierunt foedus,

Ut foedè in fluminis vortices præceps actus Pugil

Nullum pateretur gloriæ naufragium.

Nempe : ingratum se fore autumabat aquæ elementum,

Si ad Illius claritudinem augendam

Ignneas

Igneas non admitteret cælestis Regiæ tædas,
 Qui tædas contempsit nuptiales,
 Atque Vestalis Virgo vivus ac moriens
 Parthenio in conclavi ignem Divinæ charitatis perpetuò alebat.
 Latere non debuit à morte Cimmeriis in umbris
 Illustris in partu filius lucis JOANNES :
 Unde empyreum clari ortûs memor
 Eidem quoque in occasu triumphales accendit pyropos,
 Phaëtonem fabula jurâssset natare in Pado,
 Aut Vulcani jugales tædas sociari Doridi,
 Adeò ignitus ab undis emerfit NEPOMUCENUS.
 Fluctus Moldavæ non erant Tripoli ad luctum,
 Cùm purpurato Luctatori fuerunt fons summi honoris,
 Ex quo ceu Phœbus fulgidior enasceretur :
 Clarissimus propria virtutum luce,
 Noctilucâ siderum pompâ clarior.
 Coronata nimirum egit fontinalia,
 Quem coronâ Martyrii illustrem
 Limpidissima cæli coronabant funalia.

C A P U T IX.

Durare sub duris fortem illustrat animum.

NON reluctando, sed fortiter adversitatū pugnas ferendo,
 ærumnas animi minuit Ethicus. Cùm ad officia Reipubli-
 cæ cereus manet, obdurescat in adversis ferreus, & quælibet fe-
 rat mente heroica, nè feriatur ampliùs. Fortis indoles forti suæ
 indolet, dum nihil ardui sortitur, quod suo doleat genio, ut Cy-

nicum imitetur in dolio. Matura virtute opus habet Politicus, ut in silentio possit ferre multa, suamq; loquatur ipso opere fortitudinem. Mala excepta molliter evadunt mellea, multosque in publico assultus eludit, qui sinisteriori insultat fortunæ. Sapiens ita læditur ab altero, ut se illæsum judicet, vel non animadvertat læsum, neque illius cor intentata vulnera, sed præcordia vulnerent injuriantis. Turbatus adversis dolorem sibi, cachinnos excitat æmulis, & geminum malum est, malum ferre non posse. Non attingat Rempubicam, qui tangi reformidat; nequit enim assurgere in altum, qui in calamitatum myricis animo cadit: quia pro magnitudine dignitatis crescit moles adversitatum. Qui multa novit tolerare, sibi difficultatem patiendi tollit; at verò qui adversis cedit, non modò ab aliis cæditur, sed magis cædit seipsum. Fortis animus etiam obsecundat contrariis non impugnando, ast impetus inimicorum patientiâ expugnando. Vir non est, qui repugnat in omnibus, & nihil silentiò, sed linguæ jaculò retundit. Splendida non appetat, quem nemo impetit; publica enim luce indignus est, cujus virile robur in ærumnis non elucet. Per hunc non stabit commune bonum, qui domesticò sibi linguæ vitiò succumbit adversanti. Malis non cedere, sed contraniti audentius ad gloriæ Appiam provehit. Fortis & constans inter angustias frontem explicat augustam; inter graves animi digustus ventura prægustat solamina, meretque laudem, quòd inter casus sinistros non mœreat, verum dextimè infractus stet, omni-
que fato sibi constet, ut immobilis animi
gloriam orbis admiretur!

S. JO.

*Completis itaque annis
centum duobus sepultus
est honorifice in Ninive.
Tob. C. 14. v. 2.*



*S. Ioan. Chry.
sostomus apu-
lis mortuus
Constantino-
polim hunc
regem sume
hunc hunc.
Sicq. 27. Jan.*

*Corpus Ioannis, venerationi popu-
li à Casare ereptum, et absconsum
coelesti odore proditur, et ad S. Vi-
ti honorifice sepelitur.
Vit. n. 10.*

*S. Ioannis
Ord. Camald.
comp. in
mortis pende
comp. in
hunc hunc
sepulch.
Sicq. 27. Jan.*



S. JOANNES NEPOMUCENUS

A morte secundo Moldava ponè
templum Sanctæ Crucis appellens ;

Secura in portu

Firmante Crucis Divinæ Anchorâ

CELOX.

SYMBOLUM : Navis in anchora salutem re-
periens.

LEMMA : Facit anchora tutam.

Inter turbati commotas æquoris undas

Salvat fluctivagas anchora navis opes.

Sed cùm JOANNIS sacra flumine membra vehuntur,

Sola crucis tutas anchora præstat opes.

ELO-

ELOGIUM.



E vitreos inter fluctuum montes
Malô provisa malè vadat celox ;
Aut turbineas inter furentis oceaniprocellas
Malo acta turbine in abyssum deruat,
Spem jacet in anchora,
Quæ ab Archithalasso jacta in salum ,
Jactam à viatoribus pelagi Fortunæ aleam
Firmat extra Telluris firmamentum.
Quod navi inter procellosos Neptuni vortices anchora,
Hoc JOANNI in fluctibus Moldavæ fluitanti
Cruce Divina ;
Hæc enim gloriosi Athletæ exuvias
Secundo flumine defluas
Obviis excipit ulnis,
Dum in portu firmat ponè sacrum sibi Odæum ,
Nè sinistro lapsu erroneis aliò fluentis deportentur.
Nempe : in tranquillo navigare debuit cœrulo
Corridentibus Etesis temperato,
Qui cælum prætulit obryzis Aulæ cælaturis,
Et maluit celare noxas Reginae
Ut innoxius in undas fluminis demersus
Ad amplexandam emergeret crucem Domini.
Per rubrum amarissimæ passionis mare
Theander evehi debuit in crucis lignum ,
Quod naufrago esset Arca mundo ,

Ut

Ut originis noxâ mersum genus humanum,
Ad æternæ beatitudinis portum proveheretur :
 Gratia suam vitæ Liburnicam
 Bohemiæ Scironi commisit ,
Ut limpidissimis concreditam aquis faceret Martyriô purpureâ,
 Quæ ad salvificam crucem enataret salva.
Decuit nempe JOANNIS ratem non solo confidi ,
 Sed solis Moldavæ undis ,
Ut secundo illarum fluxu ad lignum vitæ deflueret ,
 Et triumphale Christi patientis trophæum,
 Deserto vitæ portu,
 In littore salutaret.
 Accine Musa festivum celestis !
Gratiæ cymba non ponti fluctibus innatans ,
 Sed de ponte Prageno ,
 Quasi è portu in fluvium solvens ,
Fortunatam tenet Sanctæ Crucis Insulam.
 Non illi grave accidit fluctibus obrui,
 Aut procellis gravari ,
 Quam Zephyrus amoris provexit ;
Non ut alieno in orbe pretium Gangis aut Pactoli,
 Verùm domesticis in oris illam reperiret arborem ,
 In qua pependit humanæ salutis pretium.
 Non potuit naufragari celox gratiæ,
Quæ celerrimum direxit cursum ad salutare lignum ,
 Et felici decursu ibi contraxit vela ,
 Ubi explicata comperit vexilla Regis,

Fulsitque Crucis mysterium.
Eò sponte adnatavit velificans ,
Ut emenso flumine consisteret ad fontem salutis ,
Et applaudente cælo Tritone
Secundè cursum consummare.

C A P U T X.

De Temperantia.

*In temperantia cernitur maximè ac spectatur propriè
decorum.* Cicero Lib. 1. de Offic.

Temperantia secundùm Philosophi sensa Lib. 3. Ethic. cap. 10. est moderatrix appetitûs concupiscibilis, & quædam *mediocritas circa voluptates*, aut quemadmodum ait Marcus Tullius Lib. 2. de fine : *moderatio cupiditatum rationi obediens*. Hæc ergo virtus dominatum exercet in voluptates, superfluas nimirum fastidiendo , necessariis autem obsecundando , quantum recta ratio suadet. Voluptates verò aliæ sunt *naturales* , quibus homo naturaliter afficitur, uti est voluptas cibi & potûs. Aliæ sunt *accersitæ*, quæ non à natura, verùm à sinistra affectione, morbo, vel propria voluntate appetuntur, vocantur à Cicerone Lib. 1. de fine : *inanes*. Circa naturales voluptates unô ferè solùm modô ab homine peccatur videlicet per excessum, quando v. g. plus cibi vel potûs assumit, quàm natura postulet. Unde gulæ deditus quidam Phylloxenus Eryxius, inquit Aristoteles Lib. 3. Ethic. cap. 10. guttur sibi

sibi longius gruis collo dari optat ; quippe nimio plus dapibus oblectabatur. Munus temperantiæ primarium est in coercendis voluptatibus accersitis versari, nempe in moderata absentium expetitione, & præsentium fruitione. Temperans enim, teste Philosopho hic c. II appetit tantummodo jucunda, quæ vel ad sanitatem, vel ad bonam habitudinem faciunt. Non vetat proinde virtus temperantiæ alimenta, vel quascunque alias voluptates, quæ necessitas aut utilitas exigit, eorundem tamen abusum prohibet, quem suadet voluptas. Damnat Sardanapali luxum, lauta Sybaritarum convivia, pomposa Cræsi symposia, pro quibus universæ vix non regiones symbolam contulerunt. Ad similia verò allicit opposita huic virtuti intemperantia, & vel ideò magis reprehendenda est in Politico, quàm timor, siquidem illò magis est voluntaria. Intemperans enim sciens, ultròque volens agit propter voluptatem, ad quam naturaliter omnes sunt procliviores; timidus verò terrore ac metu periculi perturbatum habet animum, adeoque videtur aliquomodo invitus aliter, quàm proposuerat, agere; illiusque actiones, quoniam cum dolore sunt conjunctæ, non videntur omnino à voluntate proficisci. Insuper faciliùs intemperans, ac minore periculo, quin magnò etiam commodò suò ab illicitis voluptatibus sibi temperare, quàm timidus à suis abstinere potest actionibus.

* * *

* *

S. JOANNES NEPOMUCENUS

In Ecclesia Sanctæ Crucis odoris
fragrantiam diffundens ;

Plantata in domo Domini

OLIVA

Latè spargens odoris fragrantiam.

SYMBOLUM : Oliva potentem diffundens odorem.

LEMMA : Prodit odor virtutis opes.

Dum viret, ambrosios diffundit odoris honores,
Et redolere facit mitis Oliva Notos.

JOANNES post fata fragrans excedit olivam ;
Ille polum redolet , spirat oliva solum.

ELO.

EL O G I U M.



Oc natura oleæ scripsit encomium :

Quòd falsis nutrita undis reflorescat in virorem,

Cùm aliæ vix roris ambrosiâ.

Hoc JOANNI cælicus favor contulit privilegium,

Quòd Moldavæ undis tumulatus

Reviruerit in tumulo ad odorem :

Non speciosa in campis,

Sed plantata in Domo Domini Olea,

Quæ pro molli pratorum bysso

Induratâ sepulchri in Ecclesia Sanctæ Crucis amavit scabritiæ.

Cruci nimirum, ligno salutis,

Vitæ arbori,

Quam olim in montis Golgothæi arduo locavit Solyma;

Junxit se oliva, nè staret sola.

In vanum trabeatus Bohemiæ Busiris,

Cædem gratiosæ intulit oleæ :

Nam immota hæc Cæsarum arbor

Cæsa triumphavit;

Non enim cessit morti triumphum,

Sed emanavit odorem suavitatis.

Adhuc olivarum novella,

Jam matura in vere,

Suaves dedit patientiæ fructus ante Autumnum.

Divinus nempe post gloriosam anasthasin Olitor,

Qui in cruce oleam pacis dedit mundo;

Illam suo in oliveto arte locavit plantariâ,
Ut planta pacis olfactum recrearet suaviolentiâ.
In fumum ergo abierunt callida coronatæ Tyrannidis consilia,
Quæ noctu illatam purpurato Pugili necem,
Latere voluerunt.

JOANNES enim bonus odor Christi
Occultari non potuit etiam tumultus;
Verùm odoris diffudit affluentiam,
Ut ad sacra sui corporis lipsana Tripolis conflueret Prægena.
Inter obscuræ noctis umbras
Immersit undis Bubo indomitus,
Christianæ virtutis olivum redolentem Athletam;
Sed aquis non disperfit,
Verùm ampliavit odoris suffimen;
Quandoquidem nunquam suavius herbescentium plantarum
Redolent funalia,
Quàm dum igne incalescunt.

Et JOANNES gratiores nunquam odore fragravit,
Quàm cum Divina charitate flagrans
In flumine martyrium consummavit:
Et ab undis translatus in urnam
Dimanavit in funere Thymiana,
Minimè funestum:

Quia omnium florum gratiis odore gratiosius.
Argentea Telluris sidera,
Quæ inter hortenses areolas non exarent,
Sed lactea suavitate hortorum exornant delicias,

Vicit

Vicit ipsam redolendo empyrei puritatem:
Cæculo colore æmula calo soli Phænomena violas,
Quæ JOANNI epomidem tinxerunt Philosopham,
Humilitatis expirans fragrantiam superavit.
Quidquid demum odoris Elysi adorabant Campi
In hortorum Helenis ;
Quidquid pensilia Semiramidis dimanabant viridaria,
Omne suâ antecelluit suaviolentiâ.
Ipsam adeò non puduit Reginam florum
Ut suâ verecundiam proderet purpurâ,
Quòd odoris gratiâ
Acta sit in triumphum à JOANNE purpurato,
Cui tumulo ancillari debuit pedisequa.

C A P U T XI.

Digniôrne Republica voluptatis , an iræ
Victor ?

Nihil æquè ambiguum videtur, atque præsens enodare
problema. Siquidem, qui iram vincit, jugem de vo-
luptate palmam obtinet ; nemo enim vindictæ libidinem su-
perat, nisi unâ individuae illius comiti voluptæ frænos injiciat;
cùm amico nexu ità ambæ fœderentur, ut admisso unius im-
periô alteram dominari nullus inficietur. Quid enim ira? ad
mentem Ciceronis Tusculanarum QQ. 4. est *Libido puniendi e-
jus, qui videatur læsisse injuriâ.* Et quis amabò appetit punire
alterum, si id à se consecutum iri non speret, ac indè Philo-
sophi

sophi suffragiô Lib. 7. Ethic. cap. 6. Voluptatem animo capi-
piat. Nam eô pactô voluptas canente Homero:

- - - melle liquenti
Dulcior, humano succensa in pectore gliscit.

Ex quo rectè consequitur: individuum iræ comitem esse voluptatem, quique unus est domitor, alterius victor negari non potest. Quòd si tamen (prout in præsens oportet) de illa sermo sit voluptate, quæ nullatenus iræ commiscetur, éstque illa animi pestis, cujus venenum tam privatæ cuilibet personæ, quàm integris inimicatur populorum communitatibus; Hanc, ajo, pestem qui supplantat, eum nullus ambigere posset Republica præ alio digniorem. Præcipuè si tantam domuisset iram, quanta fuit Atheniensis illius Timonis apud Plutarchum in Marci Antonii vita; Hic enim toti humano generi, ipsisque adeò Diis irasci videbatur. Unde factum, ut à morte per Calimachum Poëtam sequenti versu nobilitaretur:

Hic osor jaceo Timon hominúmque Deúmque.
Quin imò ipse sibimet vivus, quamvis vitali luce indignissimus, hujusmodi concinnaverat epitaphium:

Hic sum post vitam, miserámque, inopémque sepultus;
Nomen nè quæras; Diî, lector, te malè perdant.

At enim, ut ut ejusmodi fatalis iræ domitor quispiam foret; rectiùs tamen illi major in publico debetur dignitas, qui de voluptate agit triumphum; hoc namque animi vitium & in Viro turpius, & grandiore vincitur arduitate. Ira enim jux-

ta Philosophum 7. Ethic. cap. 6. aliquomodo rationem sequitur , ac magis naturale est vitium ; qua etiam de causa non tantum animo affert dedecus , neque tantam vincendi habet difficultatem. Quippe lusu Venusini : *ira furor brevis est* ; cui eleganter colludit Publius Mimus dicendo : *bonos apud viros citò moritur iracundia* ; At verò voluptatis cupidus , quæ indita est homini à natura , exerceri , expleri que incipit nobis vixdum natis , adeoque Philosophi suffragiò frequentatione operis sic augetur , ut ejus habitum extirpare difficillimum sit , eapropter longè difficilior ejus est victoria. Insuper iræ dediti non tantum Rebuspublicis nocuere , quantum voluptatis mancipia. Plus certè Carthaginensibus Hannibalis obfuit voluptas , quàm concepta in Romanos ira profuerit ad boni publici incolumitatem. Hæc enim ipsas emollivit Alpes , ut apertam haberent Pœni viam ad triumphos. Illa verò ad Cannas victoriosi limitem posuit armis , quò suos diffiderent armos supponere , qui nimium fidebant sibi. Ratum proinde manet : illum publicò magè dignum commodò , qui dum voluptatem edomat , sibi met irascitur , nè communi bono inimicus censeatur.



S. JOANNES NEPOMUCENUS

In Metropolitana Divi Viti Ecclesia
tumulatus ;

INDIVIDUUS

Candidati Martyrum Ex-
ercitûs quoad sepulturæ locum

COMES.

SYMBOLUM : Agnus ovili redditus.

LEMMA : Veteri lætatur asylô.

Redditus amisso balans lætatur ovili,

Cùm gregis innocui gaudeat esse comes.

JOANNES superis ovibus se reddit Achatem,

Cælicolûmque petit sacra sepulchra comes.

ELO-

ELOGIUM.



IOANNES à prætexta
Evocatus ad martyrii purpuram,
Post fata non aliò aspiravit:
Quàm ut candidati Martyrum exercitûs,
Non jam Candidatus,
Verùm Comes fieret individuus,
Triumphantium nempe Christi Pugilum Achates fidissimus.
In Ecclesia Sanctæ Crucis loculô reconditus
Pacificam cepit possessionem,
Non requievit in pace etiam tumultatus:
Quia licèt Regem Martyrum amaret in ligno patientem,
sua tamen lipsana non est passus,
Ut sacrato Dominicæ Cruci affigerentur loco,
Ibidem tumultata,
Ubi non gloriæ tumulum,
Sed gloriosum triumphi laureâ Odæum
Suæ duntaxat concessum voluit Crucis Aræ
Martyrum Porphyrogenitus Theander.
Subjectionis proinde figurâ usus JOANNES,
Cùm in vita humilitatem adamaret summè,
A morte fastum non prensavit;
Nam ad thronum patientis Domini cubare noluit,
Sed humilis in Martyrio Crucifixi Comes
Primatum tenere voluit Crucem,
Ut sacratum sibi locum obtineret sola,

Quæ una Primitias dormientium suô excepit thalamô.

Divelli ergo cupiit ab Ecclesia Sanctæ Crucis,

Non separari à Christo :

Cùm ambiret in Illorum esse comitatu ,

Qui tanquam oves ad occisionem ducti

Jam sinè ambitu purpurati

Stant ante thronum laureis redimiti ,

** Apocal. 7. c.* Posteaquam ** laverunt stolas suas,*

Et dealbaverunt eas in sanguine Agni.

Horum vestigia pressit JOANNES vivus ,

Et Illos in se ad vivum expressit:

** Isaiæ 53. c.* Nam ** sicut agnus coram tondente se, sinè voce ,*

Sic non aperuit os suum,

Factus victima silentii ;

Eadem sequi voluit à morte comes pedisequus ;

Cùm sepeliri desideraret in Metropolitana Divi Viti Ecclesia

Multis SS. Martyrum sepulchris divite ,

Ut nimirum Agnus ,

Inter occisas pro fide Divina Christi oves

Pulchrô gloriæ ovaret tumultô.

Fidelis verè Achates!

Nam à laureatis cedere noluit Athletis ,

Etiam cùm fatis cessit ,

Et in libitinæ concessit urnam.

Illos aura vitali fruens

Dulix Cultu

Colebat non invitus ;

Ad triumphales Eorundem coronas invitatus,
Sequi elegit vitâ functus:
Tumulari cupiens in Basilica S. VITI,
In qua purpurati Reges

S. W E N C E S L A U S
&
S. SIGISMUNDUS

Mundo demortui,
Sacras sui corporis locari voluerunt exuvias;
Cum martyriô donati terrenas exuerunt purpuras,
Cælicam induerunt Majestatem
Regni Cœlorum facti Correges.
Arripe nunc stylum Musa,
Et tumulo tumultuario tunc opere instructo
Silentiosa insculpe:
Hic jacet Gratia, Cultrix Martyrum in vita,
In morte Heroum Christi pedisequa:
Certantes secuta ad luctam,
Ad cœlestem coronam laureatos Victores.
Jacere noluit in Ecclesia S. Crucis,
Nè triumpho Regis gloriæ præjudicaret;
Vel certè judicaretur à Martyribus aliena,
Quæ semper mansit eadem:
Quia Illorum usque ad tumulum Comes fidissima!

C A P U T XII.

De Liberalitate.

Largitas maximè charos facit.

Boëtius Lib. 2. de Consolat.

Liberalitas ad mentem Philosophi Lib. 4. Ethic. cap. 1. est : *mediocritas circa pecunias dandas ; nam liberalis dabit propter honestatem, & rectè, quibus oportet, & quando oportet.* Complectitur autem nomine pecuniæ Aristoteles omne illud, cujus æstimationem pecuniâ & nummò metiri solemus. Rectè autem animadvertunt Sapientissimi Virorum nomenclaturâ pecuniæ res sacras non comprehendendi, pretiò enim æstimari nequeunt. Unde etiam è sacris rebus nemini licet esse liberalem ; fas tamen est misericordem esse pauperibus eleemosynâ subveniando. Liberalitatis officium est rectus facultatum usus, qui potius versatur in dando, quàm in accipiendo, vel custodiendo. Nam qui rem ab alio accipit, vel custodit, aut servat suam, non tam facultatibus uti, quàm illas possidere videtur, inquit Aristoteles hìc ; In tali enimverò acceptione, ac retentione cernitur possessio, non itèm usus. In dando igitur elucet propriè liberalitatis honestas ; quia cùm virtutis proprium sit bene mereri, facere, aliis prodesse, ac beneficium conferre, quàm illud accipere ; etiam liberalitatis (quæ dubio procul virtus est) erit magis proprium

prium dare , quàm accipere. Unde ejusmodi censentur liberales , qui citra nocumentum rei familiaris manibus apertis beneficia in alios derivant , eaque propter omnibus fiunt gratissimi oraculô Melliflui Mediolanensium Præsulis , qui Lib. I. de officiis cap. 28 inquit : *Justitia excellentior virtus videtur , liberalitas verò gratior. Sed amatur & diligitur liberalitas , non quòd non accipit , sed quòd dat.* Illos tamen ab hac virtute pronuntiamus exules , qui Tullio teste *asoti* abliguriunt patrimonia in luxum liberales ; quemadmodum M. Livius domui suæ consuluit pessimè ; cùm enim per luxum dilapidâisset omnia ; insipientiæ demum suæ jocando illudens ajebat : Se nihil cuiquam reliquisse præter cælum & cœnum. Dignus profectò scena in amphitheatro cœni exhibenda !



S. JOANNES NEPOMUCENUS

In tumulo cratibus deauratis
communitus ;

NOBILISSIMUM

Metropolitani Gazophylacii

MARGARITUM.

SYMBOLUM : Unio aurea in cista reconditus.

LEMMA : Pretioso dignus honore.

Affolet aurata condi pretiosus in arca

Unio, cujus opes aurea septa merent.

Est margaritô JOANNES carior omni ,

Et sacras auget principis Ædis opes.

Ergo Tagi croceô fulgentia septa metallô

Circumpôsta meret, nè violetur honor.

ELO-



ELOGIUM.



Orem felicitatis delibavit JOANNES in aurora,
In vitæ vespera omnes hausit cœli gratias,
Quæ in pretiosum coaluere margaritum,
Et in tumulo pretium fulgoris inaurati
Non tumulârunt, sed auxerunt.
Inexhausta videlicet est Numinis œconomia,
Quæ gratiarum Gemmæ tantum contulit splendorem,
Ut etiam intrâ sepulchri umbras
In principe Regni Odeo
Claritate tanquam Princeps unionum promicaret.
Sacris ipsanorum opibus divina ope
Metropolitanum dives erat gazophylacium;
Illius divitias cumulavit corpus JOANNEUM
Martyrum gremio incorporatum,
Ut cœli gazas serenitate sua illustraret ampliùs.
JOANNEA lux mersa vespillonix
Non potuit emori,
Cum sandapila eidem deserviret in cunas lucidi partûs.
Humum nactus in funeris latibulum JOANNES,
Non latuit humatus,
Sed claritudinem hamavit unionis,
Et Regalem Principum Principis illustravit domum.
Rutilabat è tumba fulgorem majestatis;
Augustum fecit augustale Numinis Odeum
E sepulchreti angustiis radios gloriæ evibrando.

Inter sacra Martyrum cimelia,
In ipso sepulchralis capuli Cimmerio,
Non postremò eminuit lucis officiò,
Et principem penè obtinuit locum ,
Sed ad quem merita provexerunt
Non nisi luminis claritate.

Urna captus mortuali,
Ut Gemmæ primæva lux accederet genethliorum,
Cœpit rutilare in cineris solo :
Unde quò soli maneret fulgoris ac pretii honor,
Includi debuit quasi coronæ :

Cratibus nempe muniri deauratis post fata,
Qui Codris in vita eleemosynam impertiit ,

Et tempestate gemmea
Imbrem profudit aureum in egenos.

Fulgida Pactoli dona dispergendo
Sacram abjecit auri famem ,

Non Philosophus,
Verùm Apostolicus Crates.

Meritò itaque ditari debuit à morte,
Et Peruanò circumcingi obryzò crates deaurante,
Qui velut gemma orientalis exeruit lucis prodigia,
Deauravit universa.

Quàm gloriosum gratiæ Sepulchrum !
In quo dum recumbit , dormiens vigilat ,
Et simul excubat ,

Fulgidis licèt circumvallata excubiis,

Quæ

Quæ non sunt valla luminis
Neque summæ lucis cancellant gloriam:
Quia splendor ac pretium tumulati Unionis
prospicit per cancellos.

C A P U T XIII.

Meliórne in Republica prodigus:an avarus?

Quanquam nulla communi bono vitia prodesse possint;
ad publicæ tamen salutis commodum tantò quædam
interfunt ampliùs , quantò alia majus causare solent
detrimentum. Inter quæ profectò magis numeranda venit
avaritia , quàm prodigentia ; Quandoquidem avarus plura
felicitati publicæ adfert incommoda , quàm possit attentare
prodigus. Hic enimverò faciliùs ad liberalitatis mediocri-
tatem accedit , cùm libenter det, nec facilè accipiat, quæ par-
tes etiam sunt liberalitatis ; ille autem exuperat modum ;
tempus, locúmque non intuetur, personarum non habet de-
lectum , cæterásque negligit circumstantias , quibus ornari
actionem virtutis est necesse. Prodigus igitur , si audiendo
rectæ rationis præcepto asuescat , aut per ætatem , fortunæ-
que vicissitudinem supervacaneis abstineat largitionibus iis
duntaxat munera conferendo, quibus dare justum est ; pa-
riformiter ab iis solùm accipiet , à quibus decet. Quid,
quòd vitium prodigentix ad quandam insipientiam perti-
neat ? vulgò enim prodigi non improbi , sed insani nomi-
nantur , cujusmodi ille fuit Rex Ægypti Epiphanes , dictus

dein Epimanes, quòd incredibili quadam profusione videretur insanire. Quin ipsis legibus cautum est, ut prodigo ceu maniaco curator à Principe designetur. Quibus profectò legibus cætera exlex paruit Tiberius Cæsar, cùm Senatori per luxum opes & patrimonium dilapidanti curatorem imposuit, ut testatur Dio Lib. 57. Deinde prodigus, quia dat, & non accipit, nocet quidem sibi, prodest tamen plurimis de una, eadèmq; communitate membris; Avarus contra neque per insaniam à vitio excusatur; neque ulli mortalium, nè sibi quidem ipsi est emolumento, quin fortasse multis etiam nocet, & vel maximè sibi. Nam ut canit Olor Venusinus :

- - - Semper avarus eget,
Quærit, & inventis miser abstinet, & timet uti.
Pulchrè etiam ad illudendum avaris lusit Satyricus, dum Satyr. 10. figuram fecit commutationis, ut parcorum æmuli suos mores immutarent; ità canens:

Non propter vitam faciunt patrimonia quidam,
Sed cœci vitiò propter patrimonia vivunt.
Quem verò in finem diu noctúque solitudinum sentibus ità lancinentur in summa quiete semper inquieti, exquirat hunc in modum Satyr. 12.

Sed quò divitias hæc per tormenta coactas ?
Cùm furor haud dubius, cùm sit manifesta phrenesis,
Ut locuples moriaris egenti vivere fato.





S. JOANNES NEPOMUCENUS

Lingua incorruptus ;

Pretiosa Immortalitatis

PORTIO.

Lingua corrumpi nescia.

SYMBOLUM : Thesaurus humi defossus post
sæcula inviolatus.

LEMMA : Non pretium violatur humo.

Ob pretium tumultus humi thesaurus, honoris

Non amittit opes, plurima lustra fluant.

Thesaurus melior JOANNIS lingua, vigorem

Non perdit, quamvis sæcula plura fluant.

ELOGIUM.



Edrinis in ara tabulis characteres,
Cùm in pulchræ laudis thema venit
Dignum cedrò linguæ thauma,
Ac elinguem præstat oratorum eloquentiam.

In putri pulvere jacet,
Et tacet florida Hortensii facundia;
Obmutescit Princeps Latii Suada,
Latétque incinerata,
Quando adorat prodigium Curia Quirinalis,
Non ad amica sibi rostra,
Sed pro Aris voce immortalis verbum:
Incorruptam nempe JOANNIS Linguam,
Thesaurum per sæcula humi absconditum
Nulla corruptione violatum:

Quia inviolatum servare novit Sacramenti poenitentiae sigillum.

Corrumpi sanè non potuit hæc Lingua,
Quæ extra oris Cannas non prorupit,
Cùm Numen imponeret silentium
Digitum Divinitatis apponendo;
Neque in cineres debuit resolvi,
Quæ æterni Regis ligata imperiò tacuit,
Sibi que taciturnitatem imperavit.

Cautum profectò sacri Oris instrumentum,
Ut orbem ad cautelam instrueret:

Tunc eloquentiam non interesse ad honoris auctarium,

Quan-

Quando tacendi honestas relucet in silentio,
Ut in præmium gloriæ fiat lingua
Pretiosa Immortalitatis Portio,
Participata Divinitatis particula.
Huic parem non vidit Bohemiæ Regnum,
Cui tantum cæli favorem orbis non invidit,
Sed stupuit, & vox faucibus hæsit :
Quòd lingua silentiò vocalis
Loqueretur incorruptionis magnalia :
Coram sacrò Tiarâ coronatis Verticibus ;
Illustrissimis, ac Excellentissimis Sacratissimæ Majestatis
Locumtenantibus Regiis,
Coronæ Magnatibus.
Linguis Apostoli loquebantur novis magnalia DEI,
Cum Divinissimus Spiritus super illos apparuit,
In forma linguæ ignitæ,
Dispertitæ nimirum:
Ut Eos cælestibus informaret charismatis,
Divinæ charitatis flammâ incenderet.
Incendit, ac per universum disperfit orbem,
Quò Incarnati VERBI facundam spargerent sementem
Ad æternæ salutis incrementum,
Judaicæ perfidiæ, ac Gentilitatis perfidæ decrementum.
JOANNES novô linguæ prodigiò superavit omnes;
Non quòd suo incumbentem vertici habuisset
Ignitam Divini Flaminis linguam,
Sed quòd Divini amoris

Ad congregandas in ovile Christi gentium dispersiones,
Incentivum servaret incorruptum,
Ut etiam à morte incendium sui excitaret
E Quirinali in quarumlibet nationum plagas erupturum.
Erumpe in plausus Bohemia !
Linguam corruptionis expertem
Post fata agnosce Apostolicam,
Quæ cum nesciret rumpere silentium,
Incorrupta toto loquitur orbe prodigium,
Verámque annuntiat esse fidem Orthodoxam
Sequentibus signis.

C A P U T XIV.

De Magnificentia.

DEO simile homines habent : benignè facere.

Demosth. cit. apud Maximum serm. 8.

Benignè facere hìc idem denotat, atque magnificum se tum
in majestatem Divinam, cum in Rempublicam exhibere,
qualem se ostendit Regum Sapientissimus in illo templi Hiero-
solymitani prodigioso opere, ac regii palatii structura. Virtus e-
nim magnificentiae ad mentem Philosophi hìc : *mediocritatem*
servat in magnis sumptibus rectè faciendis. Et quamvis assymbola
videatur liberalitati; ab hac tamen quatuor differt modis. Li-
beralitatis enim est circa expensas mediocres versari, dare & ac-
cipere; at magnificentiae officium est sumptus facere, illósque
magnos, unde etiam à magnitudine nomen obtinuit. Deinde o-
mnis magnificus est liberalis, sed non vicissim; nemo etiam dici
potest

potest magnificus erga seipsum & suos ; potest autem quis in se, suosq; liberalitatem exercere. Duplicia verò sunt magnificentiae opera; nimirum *Sacra*, quæ ad Divinum pertinent cultum ; huiusmodi olim fuere sumptus legatorum (teste Plutarcho in Demetrio) ad Olympicos aliòsve sacros ludos; aut ad oracula Jovis Olympici, Delphicive Appollinis consulenda destinatorum. Alia censentur *profana*, quæ vel ad publicum Reipublicæ ornamentum pertinent, ut munimenta urbium, arces, amphitheatra, porticus, &c. vel ad privatam Viri magnifici personam spectant, v. g. supellex aurea vel argentea, horti, &c. Illos autem solos decet magnificentia, qui opibus honestè acquisitis non modò abundant; sed etiam genere vel dignitate; virtute vel authoritate cæteris mortalium antestant ità, ut eorum status & conditio ipsi etiam operi aliquid possit splendoris conferre : unde pauperes, ignobiles aut obscuri homines nequeunt esse magnifici. Quis enim verò splenem contineat, si natus in caula Corydon sumptuosum construere palatium attentet? Divinum sanè quidpiam spirat magnificentia, præcipuè cum magni sumptus fiunt in res DEI cultum, Divorumq; honorem concernentes, idque non ostentationis, verum honestatis gratiâ. Quando tamen adest affectatio quædam splendoris ac magnitudinis in sumptibus quoad ea faciendis, in quæ minimè illos fieri oporteret, exuperantiæ vitium est. Quò deliquit Æsopi tragædi filius, qui aves cantu nobiles insanò emptas pretiò pro ficedulis, turdisque apposuit in convivio. Summa enim in opipara & splendida cœna ignoratio, rerumq; omnium apparuit imperitia. Nam quò pertinebat singularis ille cantus, cum de palato agebatur & gustu?

S. JOANNES NEPOMUCENUS

Per apotheosin Sanctorum Cætui
annumeratus ;

M A G N U M

Cælestis Aulæ

INCREMENTUM.

SYMBOLUM: Fama Heroum nomina fastis in-
ferens.

LEMMA : Heroës inferit Albo.

Inferit in'fastos Heroum nomina Fama,
Immortale diu, qui meruêre decus.

JOANNES loquitur decus immortale tacendo,
Æterno Hunc infert Fama canora libro.

ELO-

*Beatificavit illum in
gloria.
Eccli. c. 45. v. 8.*



*B. Iohannes
Franc. Reg.
S. I. a. Clem.
XI. Beatus
collectus
24. Mai.*

*Inmemorialis cultus Servi Dei
cooperante Archi. Ep. Pragensi Ferd.
C. Kuenburgio, à Clem. XI. et Innoc.
XIII. approbatur, permisso Off. et
Mis. 7. Iun. 1720.*

*S. Ioh. de
Dios. Ind. O.
Hosp. Reg.
dupl. ab In-
nocent. XIII.
ornatus.
8. Mart.*

ELOGIUM.



Rufrà calame immergeris sepia,
Aureos deposcit characteres JOANNIS gloria,
Quem ad deaurata empyrei subsellia evectum
Vaticani Oracula divulgant.

JOANNES in splendoribus Sanctorum!
Tanto prælusit splendori vixdum genitus.
Nam à prætexta cæli prætextatus,
Cœpit grandescere in Virum perfectum,
Séque probavit Curia Quirinalis Candidatum.

Ab hac in Syllabum relatus Beatorum,
Nomen habuit æternis insertum fastis,
Dudum Hæres æternæ beatitatis.
Hanc nempe Gratiam omnes adamârunt Charites,
Et pleno torrente Illam inundârunt,
Ut consummata Sanctitate fulgens
Ad promissionis veniret Patriam,
Quæ exundat melle & lacte;

Finitoque cursu vitæ
Metam teneret supernæ beatitatis comprehensor,
Non solùm beatus in cœlesti Paradiso;
Verùm & Sanctus terrigenis.
Ab utero prensavit cælestis Aulæ fastigia JOANNES,
Crescebat enim virtutis majestate per momenta,
Ut excresceret in summè Sanctum.

Talis fuit in ætatis primordio,

Qualis per secula effici non potest.
Tantus in ortu!

Post crepundia major,
Laxavit magnitudinem pietati,
Quam exilitas infantiae constrinxit.
Ut subinde magnum in Aula Divinitatis fieret incrementum,
Nunquam non crevit probitate
Cælitibus semper factus vicinior.
Floridam inchoavit infantiam,
Formoso Gratiae Adonide nunquam senescente,
Verùm ad maturitatem virtutis evecto.
Nequirit nimirum veterascere JOANNEA Sanctitas,
Quam virtutum aluit nutritia, empyrei videlicet regia,
Non aluit vitiorum inclementia,
Cujus malitia detumuit,
Gratiae fasces tutante Superùm malacia.
In aprico JOANNIS corde
Solum invenit Christus,
In quo habitaret solus;
Nam Nazaræi Floris Campi,
Lilii Convallii
Una solum potuit esse Regia,
In qua virtutes, maturæ sanctitatis flores,
Juge sumebant incrementum.
In JOANNE continuum:
Quia continuatis virtutum actibus consummatum;
In celsam enim perfectionis sublimitatem non tam crescebat,
Quàm

Quàm ab alto sublimabatur;
Neque nisi celsissimus esse potuit,
Cui Gratia Princeps Altissimi obstetricabatur.

Nutritus ad Numinis gustum,
Gradi vix didicit,
Et fugere cœpit non virtutem,
Sed quod à culmine sanctitatis Eum retardaret.


Lucrosa fuga !

Quâ Angelicum affecutus privilegium
Ob excelsam in DEUM charitatem Divinitatis astitit throno,
Perpetuam adeptus inibi stationem,
Quò vix alati evolant Seraphini.

Semper crevit gratiâ apud homines,
Et apud DEUM Maximum, Sanctum Sanctorum,
Quem pro magnitudinis semper habuit mensura.
Impar est orbis dimetiendæ JOANNIS magnitudini,
Qui à solo totus in cælum attolli videbatur.

Altioris nempe ordinis Illum fecit gratia,
Qui inter naturæ infima inordinatè vixit nunquam.

Eò Illum gratiæ evexit eminentia,
Ut granditate cælestium Charismatum fieret eminentior,
Et in gloria Sanctorum
Magnum fieret cælestis Aulæ incrementum.



CAPUT

CAPUT XV.

Non profunditur in vanum, quod liberaliter donatur.

Nihil superfluum æstimatur, quò unò suam Politicus maximè ostendit æstimationem. Non tamen sub onere gemat indigentia, qui gemmas beneficiorum elargitur; aliàs enim sua nimium profundendo aliena erogabit, aliis irrogabit injuriam. Cætera profusi animi ut ut necessaria non sunt, non tamen videntur superflua; optimum siquidem in publico securitatis genus, liberalitate ac munificentia se munire. Nequaquam redundat, quidquid in gloriam redundat nominis; imò beneficentia ignarus suæ patitur famæ ignorantiam, si & is Cæsar diem perdidit, quò benefecit nemini. Sæpe intricata Reipublicæ exposcunt negotia, ut aurò explicentur; argentoque clarescant mala, quæ ab ovo usque ad malum vix elucidarentur. Quis amabò superfluum æstimet, quò ipsi appropinquat Numini? cum nihil tam Divinum sit, quàm elargiendo de aliis bene mereri. Nempe multa sunt largienda, ut plura obtineantur. Aperta domus & penus sequaces trahunt animos, ut cum alii desunt tituli, gloriosum in publico esse novò munificentia titulo possideatur. Nullum potentius dominandi genus est, neque subtilior servitus, quàm parta beneficiis, ut ad obsequendi homagium omni tempore sit parata. Sub aureis olim imbribus Minerva,

nerva , nunc honor nascitur. Quid enim prodest obry-
zi sementem domi arridere ? Dextera , quæ illud spargit ,
lætas metit segetes favorum. Qui tenax est nummorum ,
non audiet nobilis , nisi auream ostendet bullam sanguinis
generosi. Tenacitas , animi viscus , publicum eviscerat
commodum : quia erutum è visceribus terræ metallum oc-
cultat. Maximi Principum ad regnorum amorem & ho-
norem conservandum tot , tantisque dignitatum gradus
adinvenère , ut in plures juxta politicæ Maximam benefi-
centia derivaretur. Unde nihil ita Viros infamat publicos,
quàm parcitas , quæ famam clepsit Ruffinis , Pallantibus,
Eutropiis. Tenacitas nutrix est odiorum , liberalis ani-
mus amorem sibi firmat. Honorata nempe opum ratio
est , opum largitio , eaque publico homine digna felicitas ,
felicitate sua multos facere beatos. Nunquam igitur è
bursæ fundo in vanum profunduntur dona ; nam
beneficiis maectantur alii , ut vivant
feliciores.



S. JOANNES NEPOMUCENUS

Vocali silentio

Periclitantis Famæ VINDE X.

EMBLEMA : Pastor agnos à lupino ore defendens.

EPIGRAPHE : Hebetat vigilantia dentes.

Anxia pastoris vigilantia subvenit agnis ,

Cùm facit, ut vacuo frendeat ore lupus.

Una est JOANNIS defendere cura Clientes ,

Nè famæ mordax lingua nocere queat.

ELO-

*Utriusque gentes deprecabun-
tur, et erit Sepulchrum
eius gloriosum.
Is. C. 22. v. 20.*



*P. Iohannes
Vincenzo Ep.
M. Vincenti
in Sepulchro
sui char. et
Lep. in Mont.*

*Deus Sepulchrum Iohannis insigni-
bus, perpetuisque prodigiis ornat.
Vit. n. 20. et 22.*

*B. Iohannes
Baptista
Carib. Bulla
quod arripit
typem Iuxta
beatorum
sui prodigii
Lep. in Mont.*

ELOGIUM.



Ubâ clangere Fama !
Argenteo clangore diffama cæli Civem,
Qui niveo tegmine tuam defendit Innocentiam.

Extolle JOANNEM

Super aureos firmamenti orbes sublimatum,

Vigilem tamen pro terræ inquilinis,

Ut exorbitantes compescat luporum fauces,

Quæ alieni honoris inhiant lanienæ.

Pastor nempe sollicitus in superna excubat statione,

Ut honestum stet nomen Clientibus,

Cùm agnino candore albicantem Illi concedunt famam,

Nè lupino ore discerpta pereat,

Vel atratô deturpata calculô

Pariat ignominiam.

Famæ portentum Gratia

Portendit cujuslibet honori defensionem,

Nè mordaces queant Theonino dente famam arrodere;

Quæ vivacitatem amitteret claritudinis,

Nisi gratiosa vallaret illam JOANNIS vigilantia.

Vallat sanè, & candoris amictu velat pudorem;

Nam tetro stigmatè vel notari non sustinet,

Vel notorios super nives dealbat,

Iterùmque dignos facit luce publica Candidatos.

Nimirum albicantem Numinis pupillam

Decuit intaminato præfici Nomini,
Nè contaminaretur;
Innocuum candorem foedato sepiâ honori,
Ut denigratus evaderet sinè macula.
Hoc vigilè Argo
Nullus atrox maculosus irrepit in pallam honestatis,
Neque funesta linguæ tæda
Fumò bonam allambit nominis famam,
Quæ semper eadem venustate incolumis stat,
Sibi que non tantùm constat,
Sed in clari etiam honoris assurgit fastigium,
Immortalibus Heroum digna fastis.
Nempe illæsum perennat gloriæ decus,
Si gratiosâ tutetur custodiâ JOANNIS;
Qui JOANNÆ regia cidari coronatæ
Primò famam custodivit:
Cum trabeata Orci Harpyia furtivis ambivit chelis
Pulchræ ut lunæ argentum surripere honoris.
A Capite regali cœpit,
Qui regiâ penè clementiâ subvenire cupit omnibus,
Quotquot sub Illius umbram confugiunt tutelarem:
Tuti etiam in umbra
Nunquam suæ candorem famæ obumbrandum,
Cui JOANNES excubitor insistit.
Allatret tumultuosus livor boni nominis splendorem,
Aut rabie furat in honoris lumen:
Adhuc tumultato Cerberi latratu,
Lucem

Lucem diffundet innocuam,
 Et radioſo fulgore retundet furias,
 Livido æſtui JOANNE ponente terminalia.
 Nequit nimirum expavere infamiam,
 Cui Gratia excubat pro triumpho gloriæ.
 Inſoleſcat licèt Erebi motu invidia,
 Impos videndi illæſum alieni honoris auctarium;
 Hic tamen nutare non poterit
 Stante pro excubiis ſolicitudine JOANNEA:
 Moleſta fuit Daphnidi cura ſub ardente Sirio
 Super lanigero vigilare grege;
 Agnata JOANNI eſt ſolicitudo,
 Familiarem ſibi ceu agnam cuſtodire Famam,
 Nè quis diffamari queat,
 Cùm etiam infames vigilant ad nocendum lupi,
 Et mordaci auſu dentes imprimunt,
 Ut purpuram exprimant verecundiæ.
 Ignorat proinde laudatrix Fama,
 Quàm dilaudare queat JOANNEM,
 Qui magnitudinis decumanæ eſt portentum.
 Silet etiam Muſa,
 Cujus ingenium adeò exhaufit,
 Ut plura nequeat concinnare encomia
 De gratiæ, & gloriæ Abyſſo!



C A P U T XVI.


De Magnanimitate.

Magnanimitas quasi ornamentum aliquod virtutum.

Aristoteles Lib. 4. Ethicorum. cap. 3.

Virtus magnanimitatis à Marco Tullio dicitur animi altitudo. Ad mentem Aristotelis lib. 4. Ethic. cap. 3. hunc ferè in modum explicari potest, quòd nempe sit virtus, quæ ad omnia seu adversùs incurrant, seu ex animi sententia eveniant, sic paratum reddit hominis animum, ut nec rebus effferri prosperis, nec adversis dejici se patiatur. Hanc virtutem inquit Philosophus cum pulchritudine similitudinem habere. Quemadmodum enim pulchritudo dignitatem affert, dignitas verò in magnis duntaxat est, cùm in parvis potiùs quidam sit contemptus; ita magnitudo animi in magnis tantummodò versatur, ac elucet. Duplex autem à Cicerone Lib. 1. de offic. traditur esse magnanimitas: una, quæ versatur in suscipiendis, gerendisque rebus magnis, ac plenis laborum, periculorumque tam vitæ, quàm eorum, quæ ad illam intersunt; sed hæc non discrepat à fortitudine. Altera spectatur in rerum externarum despicientia, quâ nihil, ni. à quod honestum, decorumque sit, vel admiramur, vel optamus, aut expetimus, neque ulli mentis perturbationi succumbimus. Ille autem magnanimus propriè dicitur, qui cùm dignus sit magnis; his quoque dignum se judicat. Inter magna verò primus est honor. Unde Lib. 4. Ethic. cap. 3. rectè concludit Aristoteles: magnanimi materiam esse hono-

honorem: quia nempe magni viri claris honoribus se dignos æstimant, sed tamen ut oportet: cum non appetant plures vel majores, quàm sint promeriti. Nam illi, qui cum majora posuere merita, minoribus se dignos judicant honoribus, dicuntur pusillanimes. Qui è contrà magnis se dignos arbitrantur, cum tamen parùm de Republica fuerint meriti: audiunt superbi, tumidi, ac inflati. Et hoc quidem æquissimo jure, nam animum meritis vacuum, solóque ambitionis spiritu ad instar utris inflatum habent. Eleganter fastuosos ejusmodi jam olim perstrinxit Democrates; cum enim admodum vetulus perquàm anhelus, ac validè spirans Atheniensium arcem conscendisset, teste Stobæo serm. 22. agebat se idem facere, quod universa Atheniensium civitas facere sole-
ret: *Se videlicet magnum spirare, parùm autem valere.* Nequaquam tamen in fastuosorum numero computandi sunt, qui cum plurima posuere gestorum merita, ad immortales aspirant honores. Tales enimverò digni sunt, ut cum vitam mortalem vivant, tanquam Viri de Republica optimè meriti in fama perennent. Siquidem humana mens inter bona sua nihil præstantius numerat, quàm nominis immortalitatem. Sola enim fama illustris Magnanimum decet, éstque illud immortale sidus, quod nunquam occidit, verùm ex ipso adeò tumulo resplendet.



S. JOANNIS NEPOMUCENI MARTYRIUM

Heroico versu

Laureâ condecoratum.

Synopsis Poëmatis.

FUnestum Bohemiæ Neronem Wenceslaum, cognomen-
tò pigrum, allicit voluptas : ut relictâ virtutum semitâ
regali vitæ frænos laxet. Rex objectis sibi à Volupta cu-
pediis inescatus, Otio stimulante, callem terit vitiorum. Vir-
tus JOANNÆ Reginae domestica, Ejusdem reposcit adjutorium,
ut Regem salutaribus incitet monitis ad probitatem ample-
ctendam. Regina Conjugem coronatum à vitiis traducere
satagit ad amorem virtutis. Impietas contrâ, ut Wences-
laum sibi retineat vectigalem : Oblivionem honesti in Re-
gis animum immittit, & Suspicionem comite ejus mentem tum
de Reginae virtutibus præstat fluctuantem ; cùm ad ea in-
flammat cognoscenda, quæ clavibus Pœnitentiæ sunt subje-
cta. Fama de his certior facta suo consulere flagitat Tute-
lari ; Fidem igitur subornat, quæ JOANNIS NEPOMUCENI
fir.

firmet animum ad non revelanda Sacramenti Pœnitentiæ ar-
cana. Rex interea cavillandi amore succensus, muneribus,
ac minis pellicere JOANNEM tentat, ut actus in pœniten-
tiæ tribunali à Regina patefactos, sibi revelet. Verùm JO-
ANNES heroô munera, & minas contemnens animô, Sacra-
menti sigillum custodit inviolatum. Furit proinde Tyran-
nus, & NEPOMUCENUM de Prageno ponte in præterfluentem
Moldavam agit præcipitem. Stupet invictam Viri fortitu-
dinem Cæli Regia, & Martyri laureato fidereis applaudit
funalibus. Fama verò Tutelarem suum Universo notum
facit, Ejúsque Apotheosi divulgatâ tanti Patroni cultum
suadet omnibus, qui se propitiâ appetunt gloriari.

Poëma.



Nfractas animi vires, pectúsque tyranni
Ausibus adversum, cautæque silentia linguæ
Nescia sacrilego Regis parere statuto,
Illatásque Viro pœnas, mortémque fluentis
Conspiciam, clarásque faces, quas Regia cæli
Martyris applaudens fato succendit, & almo
Fœdere conjunxit pugnantes ignibus undas;
Musa canet, Cyrrhæque cheli modulamen honoris
Panget, & Andino celebrabit carmine cunctis
Mirandum lustris facinus. Quæ culmen oberras
Pimplæum, niveásque foves Aganippidos undas
Aonidum selecta cohors, vel nectaris adde
Bellerophonteï stillam, laticémque repande,
A quo melliflui rorant dulcedine colles:
Ut Divum meritâ JOANNEM laude canamus!

Hespe.

Hesperios inter colles , quos lumine Titan
 Illustrat croceo , dum notis abluit undis
 Ignivomo delassatos temone jugales :
 Inclyta Czechiadûm tellus attollitur altis
 Circumsepta jugis. Augent Telluris honorem
 Imperii fasces , parti virtute , sagoque
 Majorum . quos fama tulit torpore fugato
 Odrysiis pugnasse plagis , gentemque triumphis
 Assuetam domuisse. Decus regale tuendum
 Liligera de stirpe Duci gens contulit : Ille
 Dotibus Ajacis locuples Mavortis amorem ,
 Justitiam , virisque sui cum sanguinis ostro
 In genitum transfudit : Amor , regnique Bohemi
 Carolus Instaurator. Opes augere paternas ,
 Virtutemque , thronique jubar , sceptrique nitorem
 Ingenio cœpit natus , felicior omni
 Principe , Romanis qui quondam claruit ævis.
 Illius imperio ridebant floribus horti
 Nectareis ebrui fluvii ; fulcata labore
 Tellus multiplici reddebat fœnore sparsum
 Autumnô semen , niveoque superba metallô
 De vena meliore tulit nova lilia purum
 Argenti florem : tragicus non terruit arva
 Mavors , pacato riserunt tempora vultu ;
 Tum quid sit bellum : fuit erudienda Juventus.
 Ast ubi naturæ persolvit jure tributum
 (Ut nullis unquam sunt fata benigna coronis)
 Gloria Czechiacæ gentis , sceptrumque reliquit
 Gyrandum Nati manibus : mirabile dictu !
 Degener à prima Genitus virtute recessit ,
 Contemptaque Patris Tanti ! probitate , tenorem ,
 Unô quem tenuit lustrô , damnavit ; & imum
 Decidit in barathrum vitiorum. Prodere castô
 Horret Musa labrô , quæ crimina faucibus Orci
 Emersere. Furor stygia comitatus Erynni,
 Impietasque ferox , tumidoque Superbia gressu ,
 Atque Gula ; Heu ! nullis dapibus satiabile monstrum !
 Disrupta compage soli viguere per orbem.

Attamen in reliquis palmam tulit una Voluptas
Siren terrestris. Curarum mole sepulto
Affluxit Regi, vetitæ dans dogmata vitæ.
Cessa, ait, insolitis corpus lassare diætis :
Indulgere juvat genio, dum suppetit ætas,
Sulcantésque cutem rugas generosa juvenus
Summovet, atque trium patiuntur jura sororum
Luce frui, latósque favent provivere soles.
Quippe ubi jam lumen frontis nox cæca tenebit,
Florentésque manu truculentâ solverit annos
Atropos : in vacuas transibit spiritus auras.
Hoc nunc accura solùm : præsentia mundi
Carpere, & omnigenâ sensum mulcere voluptâ.
Dixit & illapsu leni præcordia Regis
Demulit, mirúmque sui causavit amorem.
Ergo valere jubet curas, Regni que salutem
Posthabet Othrysiis, quas ornant fercula, mensis,
Atque saburratum statuit pro Numine ventrem,
Phasiacisque replet dapibus. Stupet Albis edacem
Astydamam, pascitque novum, verúmque Phagonem,
Ac Promachum Emathia probrum, Bitiámque bibonem.
Tantum quippe cibi demergit in ilia gurges
Pascuus, atque vorago dapum, Bromi que barathrum ;
Quantum bis quatuor vel lautæ fercula mensæ
Exsatiare viros valeant. Non sic vaga complet
Viscera prædo lupus, cùm tristis tesqua viarum
Circuit, & trepidè carpentes gramina cervos
Aggreditur, satagitque gulam satiare perennem ;
Qualiter abdomen farcit dapibúsque, meróque
Helluo Czechiadúm, rabida de stirpe Lyæi
Thyrfiger, atque gulo, cui solùm cura palato
Incubat, Ogygii nunquam non prandia spectans.
Utque adipata famem deducat in ilia, rursus
Ingluviem exacuat : mirò convivialuxu
Instruit : Huc Daunúm saltus, ac Mænala tota,
Huc Tegeæ lucos cogit, cultrisque, verúque
Armatâ pro more manu decernitur : illuc
Damarum, leporúmque levis, majoréque nisu

Illuc armatura gravis vēctitur aprorum ;
Quēis natitans , aviūmque volans exercitus amplas
Addit s' p'p'atias. Gaurani congia vini
Multo potantur strepitu , collisāque vitris
Vitra sonant , veluti scutis pugnancia scuta.
Demersum cyathis genium , Bacchóque tumentem.
Gaudet iners vitium , Phlegetontis vipera , quā ne
Ulla magis mœsto suevit pugnare labori.
Eheu Segnities ! Superi quis languor ! in ipso
Motu vix motum videas : deliberat omnis
Passus , & incepto conatus pendet in aētu.
Hæc, populare malum, pectus, mentēmque Gnathonis
Purpurei lentō tentat sopire venenō.
Ausibus insolitis Morphēus arridet , iniquo
Fœdere qui dextram vitiis conjunxit amicam.
Ille soporiferos per opaca silentia succos
Dividit , & dulci demittit lassā quieti
Corpora , turbineāsque fugat de Principis aula
Curas , ac animo dulcissima gaudia præbet.
Segnities mirata suis venisse lacertis
Morphea in auxilium leni præcordia tabō
Inficit , & Circes aconitō cauta per omnes
Discursat fibras. Vegetas afflata nitoris
Frons amittit opes , oculorum lumina stertunt ;
Lethæo pallore genæ fœdantur , amœnam
Purpurei vultūs speciem deturpat hiantis
Spuma labri : flaccet neglecti sponte capilli,
Et coma , Narcissi formam redhibere parata ,
Vertice pendet iners nullius conscia cirri.
Languor inest manibus, pedibúsque ; subhorrida mentem
Tœdia contristant ; vigor omnis deserit artus
Morosos , curasque velut nova monstra paventes.
Hæc ubi confecit Lernæam tarda paludem
Cocytique sinum testudinis æmula sulcat.
Amplius interea tabes per Regia serpit
Viscera , & Arcadico pectus torpore ligatum
Quod fecisse cupit , fastidit ; quódque solebat
Fastidire , patrat. Virtus expellitur aulâ,

Et scelerum genus omne subit ; cœu luce remota
Titanis prodire solet. genus omne ferarum.
Nec mirum : Plutonis amor sunt otia ; cuius
Cor mulcent : Paphiis de plumis prospicit Orco ,
Atque thorum fluxæ vitiorum sternit Oresi.
Obstupet imperium Ditis , rabiemque catervæ
Orcinæ Pietas , sceptrorum maxima custos ,
Czechiadûm iusta terras virtute gube. nans.
Protinus ergo petit thalamum virtutis amicum ,
Et sacrô comitata chorô consueta subintrat
Limina Reginæ , cidarique , ostrôque micantem
Talibus affatur dictis : age chara Tonanti !
Vindica ab exilio virtutem ; probra Neronis
Carpe paludati , vitam Te conjuge dignam
Vivat ; colluviem scelerum proturbet ab aula.
Non bene conveniunt , nec in una sede morantur
Clarum Majestate nefas , sceptrique potestas
In pejus ruitura. Cupis convivere Regi
Inviso Superis ? cave pestem : tabe scelestâ
Afflabit nocitura tuæ virtutis honori.
Dixit & è Lipare cælesti sparserat ignes ,
Castâque non nocuis incendit pectora flammis.
Empyrio Regina Deæ tacta uritur igni ,
Et lacrymis augens gemitum , probitatis amorem
Aulâ exturbatum vecordi reddere tentat
Scironi , veterique cupit splendore nitere
Virtutem à trabea. Non tantas pectore curas
Purpureus versat Phalaris , quò crimen in omne
Deruat , & Stygiâ redimitus Latro mephytî
Contaminet Regale decus , fœdétque nefandis
Criminibus diadema sacrum , sceptrique nitorem ;
Quantas corde gerit superis incensa favillis
Infelix Regina ! Thori melioris honorem
Promerita. Ast quid agat ? lacrymis deploret abortis
Conjugis infausti vitam ? Marpesia cautes
Non emollitur : quanquam pia lumina stillent
Undarum rivos Cyanen tellure daturos
Czechiadûm. Furat , & superis commisceat ima ?

Disuadet probitatis amor ; nec conscia legis
Admittit ratio : prohibens residere furorem
Pectore regali. Moneat ? contemnere suevit
Immersum vitiis Ostrum documenta monentis.
Fluctibus ergo meris agitata profudit ab ore
Solicito threnos. Rutili prô ! sidera cæli
Præcipiti raptu croceos abscondite vultus,
Nè monstrum spectetis iners ! velate coruscas
Umbrarum peplô facies : penuria crescat
Luminis ; atratô radii celentur amictu ,
Ut scelerum vesana lues incognita terris
Permaneant ; neque turba procax & mobile vulgus
Regis ad exemplum pravos componere mores
Gestiat , aspernans legum , rectique tenorem.
Ehêu me miseram ! Quanto præcordia luctu
Colliduntur ? agunt dubio certaminis ausu
Complice cum gemitu mæror ; non ulla quietem
Hora favet , redeunt alterno tempore planctus :
Quales mœsta dedit Niobe , cum fusa jacerent
Pignora ; maternum lacrymis testata dolorem.
Cum Lucina thorum genialem detulit : Aula
Æthereâ virtute nitens arrisit , & ignem
Subdidit , ac facilem fibris succendit amorem.
Allexit probitatis honos , mentemque decora
Vivendi species divinis nixa statutis
Effecit vestigalem. Sprevisset an ullus
Limina laurigeris virtutum clara trophæis ?
Regia protexit refugos clementia postes :
Atria præbebant miseris solamen ; agendi
Consuetudo favos , non obvia munera cunctis ,
Obtulit , & purum spirabant ora leporem.
Casta genas tinxit virtus , & fronte pudorem
Parthenium retinere fuit lex firma marito.
Justitiam violare nefas , punire scelestos
Ad Themidis lancem (nî gratia principe digna
Parceret , & vinctos sineret de compede solvi)
Jura reposcebant ; pulchro certamine summum
Mansuetudo gradum meruit : favêre modestum

Imperium comites. Constantia defuit una,
 Quâ præsente manent, & quâ fugiente recedunt.
 Hac absente poli periêre malagmata, quidquid
 Virtutis speciem trabeatâ prætulit Aulâ
 Transiit in vitium. Tantum felicibus obstat
 (Si quando pudefacta labet) constantia rebus !
 Hêu quantos renovat gemitus, quantûmque dolorem
 Continuata mali series. Ea dixit & impar
 Deliquio jacuit tristi languore profusa.
 Ora gelu constricta manent, geminique pyropi,
 Frontis honos; squalent aurato lumine cassi:
 Purpureum, niveûmque decus, fulgôrque genarum
 Illustris pallore riget tumulatus; amœna
 Triste silet lacrymis offusi gratia vultûs.
 Tempus erat, quo solis equi vexêre curulem
 Ignivomam rapido medias trans ætheris oras
 Cursu, jamque jubar Phœbi velamine lucis
 Atratum dubio cœpit fulgere nitore:
 Cùm Rex admonitus de fato Conjugis, omnem
 Torporem excutiens, invisit anhelus amantem.
 Utque tholum subiit pro forma conspicit umbram
 (Sic facit incertam luctûs color) hæret an hæc sit ?
 Obstupuit, retrôque pedem tulit: orâque buxo
 Pallidiora gerens, exhorruit æquoris instar,
 Quod fremit, exiguâ cùm summum stringitur aurâ.
 Sed postquam rediêre vigor, mentique serenum,
 Percutit indignos claro plangore lacertos,
 Expandensque manus lassatum corpus Amatæ
 Stringit, & egelidis in vultibus aspicit umbram.
 Ut sensit Regina suis accurrere fatis
 Regem, sustollens oculos languore gravatos
 Pallenti dedit ore sonos, animûmque Neronis
 Inflexura, docet tanti quæ causâ doloris;
 Et (mirum potuisse) scelus, vitæque retexit
 Infamis telam. Vi tanta suadet amorem
 Virtutis, quantâ clypeum Laërtius heros
 Obtinuit, postquam Lyciô cecidisset Achilles
 Confixus telô Paridis. Rex hæret & aure

Attonitâ stupet eloquium cœu fulgura tortum.
Congeminat Regina tonum (nam grande doloris
Ingenium est , miserisque venit solertia rebus)
Atque paludatam rationum pondere tentat
Extimulare magis Pecudem , quò fulmine vocum
Menti illabatur vitæ melioris imago ,
Et depravatos cupiat deponere mores.
Grande malum Impietas , aulisque domestica ringi
Ista furore novo cuperet , nî frænet Avernus ,
Cujus in obsequiis tota est , satagens (at iniquè)
Imperio parere suo , quod clauditur Albi ,
Aut Arari , quod multivagus circumfluit Ister ,
Quòdque Tagus dives rutilis amplexibus ornat ,
Aut quod Rhenus alit , Tiberisque minacibus undis
Alluit , & quod aquis circumdat Bosphorus Urfæ
Subjectus gelui , glaciæque astrictus inertis.
Hæc ergo Nymphe (furiam magè dixero tristi
Effusam thalamo , Stygiæque propagine natam)
Limina nota terens arrecta suscipit aure ,
Quæ Regina dedit sævo documenta Gnathoni.
Expallet (solet atra genis , vel fusca videri ,
Cum formam retinet vultus) & fulgura buccis
Ejaculans , ignemque vomens lamenta ciendo
Murmure fatali , stridoribus atria complet
Regia. Non licuit truncatas noscere voces ,
Eloquiive chaos rabido quod miscuit ore.
Non contenta dehinc consueto murmure , vultu
Turbato Stygios Manes , Orcique paludem
Poscit in auxilium. Tremulas vox lapsa Charontis
Lethæi nautæ ferit aures : ille retrosum
Attonitos motat crines , satagitque videre ,
Num sua quis mœsto ploratu transtra reposcat.
Eminus ignivomo despumans gutture voces
Impietas steterat ; visam stupet , atque carinam
Reflectens sulcante petit stata littora contò.
Illa minax affata senem : non , inquit , inanis
Est hodie reditura ratis ; trans flumina Lethes
Nostra vehet mandata. Procax oblivio amorem

Virtutis rapiat Regis de mente jubemus.
 Ex voto si rem felicitet egerit, ibit
 Umbrarum major, nigrisque comata ceraſtis.
 Dixerat, ille redit, furialia jussa recenset :
 Fac miſſos, inquit, Manes, populósque ſilentum :
 Nobilior te cura vocat. Tellure Bohema
 Rex piger eſt : Regina animo virtutis amorem
 Indidit ; Huic documenta poli de mente revelle,
 Nè paveat Superos, ſummi vel jura Tonantis.
 Hoc petit Impietas ; triplex ſimul optat Erynnis.
 Expoſuit mandata Charon : Oblivio rerum
 Immemor, ecqua velit ? rogat. Ordine ſingula reddit
 Juſſa ſenex, iterumque, iterumque recantat in aures.
 Inſculpiſit tandem ſummatim cuncta : recedit
 Illa, velut morem gerat : illico verò reſſa :
 Amiſi me ruſus, ait, nam ſigna locorum
 Sunt animo dilapſa. Refer, num Thracas adire,
 Czechiadumve ſacris jubeas diſcurrere terris ?
 Proripe te, miſſus reſpondet nauta, plagasque
 Czechiadum velox pete ; Rex ignoret honeſtum.
 Illa jubet Lethen, & littora nota valere,
 Séque per Amſancti fauces protrudit in orbem.
 Inſluit in Regis fibras oblivio : honeſti
 Immemor, aſſiduo nova crimina perpetrat auſu.
 His tamen Impietas minimè ſatiata, venenum
 Inſtillat pejuſ, mentemque furoribus actam
 (Suspiciſone mali ſociâ) livore laceſſit.
 Regia depaſcit rabioſus peſtora livor,
 Innocuamque jubet conſortis carpere vitam.
 Rex quid agat ſtimulante malo ? Minois ad urnam
 Ventilet immeritos Rhadamantô immitior actus ?
 Diſuadet probitatis honos, qui conjugis ornat,
 Et renitere facit vitam : qui cauſat olympto
 Delicias, Superumque choros poppyſmate raro
 Allicit Aligeros : cuperent imitatie omne
 Virtutis facinus, ſi non natura negaſſet
 Corporis exuvias. Juvat explicuiſſe nitorem
 Moribus harmonicum : cœpit mera gratia ſedem

Fronte suam, tinxitque genas, pudor ora tenebat
Ingenuus, niveum divīna modestiā vultum.
Parthenius candor mera lilia protulit; omnem
Mansuetudo vigil jussit cohibere furorem.
Segnities expulsa animo Garamantidis oras
Invisura fuit, nisi Rex favisset asylum.
Ergo probam metuens Sciron fœdare cavillō
Confortis vitam, statuit penetralia cordis
Rimari, si fortè scelus velamine tectum
Virtutis lateat. Quod duro pectore sanxit,
Prosequitur votis; Divina, humanaque ridet
Dogmata contemptor Superūm. Mirabile dictu!
Omnia deludit vesana superbia sceptri,
Ipsa sibi lex, ac ratio. Non ulla tyrannis
Hactenus extiterat, lustrōve videbitur ullo,
Quæ tantum commenta malum præsumat, & ausit
Numinis æterni sacrum violare tribunal.
Et tamen Albicolūm Lernæa peior Echidnā
Princeps ausus erat, quī Mythen jura Tonantis
Æqua lance poli librantem, animosque reorum
Constrictos scelerum pedicis, noxisque ligatos
Munere Divino solventem torsit, & ausu
Sacrilego, Petri subjectos clavibus actus
Reginæ, cupiit trabeatus noscere Bubo.
Res sic acta fuit, quantum mihi teste papyro
Historiæ, quantumque recens transmissa Quirinis
Collibus acta docent juratis mille probata
Testibus, & jugi triplex sermone per ævum.
Ambitione tumens Phalaris, nimioque pudore
Infamis vitæ tactus, documentaque cæli
Lapsa plagis damnans, morésque perosus Amatæ
Innocuos, furit: & rabidos de faucibus ignes
Evomit, ac furiis actus clamoribus Aulam
Complect, & incenso livori fræna relaxat.
Vix reor, Ætnæus despumans flammea vertex
Fulmina, Tenariósque vomens de culminis antro,
Flammarum fluidos latices; latè omnia circum
Depascens populante rogō, simul alta per oras

Pergama Trinacriæ vastans, cunctâsque Peloro
 Vicinas urbes, piceâ caligine fumi
 Celatos jaciendo globos, confundere tanto
 Turbine consuevit; quanto magnalia ructu
 Atria Pragenæ turbat Dux Czechicus arcis
 Horrisonas jaciendo faces. Formidine pulsa
 Aula pavens cessit, Stygêque emeruisse Megaram
 Censuit armatam pinis, sævâque colubris
 Tisiphonem evoluisse caput, Lethûmque, furorémque
 Ultricêsque Deas omnes, Ditisque ministras.
 Cúmque modum nequirit noto reperire furori
 Albicolûm Phalaris, turpi Diomede tyrannô
 Sævior, hêu probrum! dignus quem cymba Charontis
 Ad Phlegetontæas veheret, raptûmque profundis
 Cocyti lacubus Stygiâ demergeret undâ.
 Crudeli, quis non stupeat, cùm penè referre
 Calliopen facinus pigeat, gelidóque gelascat
 Mens horrore pavens? plus quàm Busiridis ausu
 Attentat facinus, nullo memorabile versu.
 In jus namque vocat Mysten, mitráque, pedóque
 Clarum; sed virtute magis: qui Judicis omne
 Munus adimplendo Divini, præbuit aures
 Cùm JOANNA ream se sisteret ante tribunal
 Numinis exposcens veniam, noxâsque remitti.
 Hujus ab ore putat sibi profluxura cavilli
 Semina, quæ justam cieant projecta pudoris
 Materiem, lædant fibras, vultúque colorem
 Muricis eliciant. Tantùm furor improbus audet
 Dente Theonino cupiens convellere famam!
 Protinus ergo jubet sua visat limina Mystes,
 Gratia cûi dederat nomen, cælúmque vocari
 JOANNEM voluit. Fierent cùm talia, fama
 Fortè suas auræ (volucris nam prædita pennâ est)
 Czechiadûm volitans campis concredidit alas;
 Sidereum per inane volans clangebatur in astris
 Ære Corynthis fusum tibicina cornu.
 Tum subitò vocis tonitru perculsa, suûmque

JOANNEM posci repetitis vocibus aure
Pericipens, celeri deflexit cauta volatu
Tecta superba petens. Gyris vicinior Aulae
Facta, stupet toties patroni nomen ab ore
Principis egressum. Rationem docta recedit
Ocyus, & gestit velox audita referre,
Cælicolûm placitis pleno Caurûsque, Notûsque
Auras ore quatit, Famamque per æthera nantem
Remige buccâ aufert, Fideique ad limina sistit.
Ut vidit Nympham Virgo velamine tecta
Purpureis auri vario subtegmine pictis
Vestibus ornatam, Phrygio depicta labore
Pepla, & crinitis splendentia tempora cirris,
Nec non & geminas, scapulis motantibus alas,
Chrysolitos, celerésque cothurnos, & resonans æs;
Obstupuit Parii testata in fronte colorem
Marmoris, internos dabat ex pallore timores.
At Nymphe attonitam cernens, horroréque muto
Elinguem, mox ipsa suas, nam garrula fertur
Esse nimis, buccas agiles in verba resolvit
Sic affata Fidem. Superûm fidissima Custos!
Et fax terrigenûm, quæ certo tramite ducis
Mortales animos ad cognoscenda Tonantis,
Atque arcana poli, quæ non dissolverit ullus
Oedipus, aut ratio, nisi te præeunte Magistra.
Tu capis ingenium, Stygiæque sophismata solvis
Hæreseos, verique tenax mala dogmata vincis.
Fac, age, JOANNIS confirma pectus, & inde
Lumen ab axe novum, paveat nè fulgetra pigri
Principis; ardet enim trabeata superbia noxas
Confortis novisse suæ, quas clavibus Illa
Subdidit æthereis; contemnat tela, minasque
Purpureamque necem placitis præponat Averni.
Sic ait, & blandas agitans in nubila pennas,
Complosos quatiens armos, resonansque metallum
Inflans, veloci faciles se tollit in auras
Motu; perque axem, fluidumque per aëra fertur.

Audiit hæc Divina Fides oracula, Nymphæ
Quæ dederat, divinam in ea latitare Sybillam
Credidit, allapsamque sacro conclusit Olympo.
Protinus ergo sui properat ditare clientis
Mentem luce nova. Nè verò ignota putetur
JOANNI, peplum prætendit casta, genasque,
Ac niveâ velat geminos in fronte pyropos.
Insuper effigiat crucis aspectabile signum,
Ut per signa fidem Mystes dignoscat amicam ;
Sic velata volat. JOANNES arce relicta
Vilia præposuit celsis habitacula tectis.
Illa leves quatiens pennis fluitantibus auras
Intrat opaca domûs penetralia, jamque precantis
Assistens lateri lugubre ciet lamentum !
Et Mystæ ante oculos his se cum vocibus offert :
Magne DEI cultor, qui mundi splendida spernens
Somnia, sub clypeo fidei famularis Olympo,
Æquasque Angelicos humana in carne nitores,
Cui Superum Pater æthereas disponit ab ævo
In cælo sedes victrici morte fruendas.
Aude aliquid dignum Superis, Heroëque dignum :
Purpuream sufferto necem, rabiemque tyranni
Indomitam placidâ vultûs, orisque coercere
Majestate tui. Quod si certaverit arte,
Blanditiisque Sinon, vulpis contemne favores
Illepidos, sunt fluxa nimis, quæ clara potestas
Imperiô spondere valet. Quid munera profunt,
Divitiæque Tagi ? Croceum Gangetidis aurum
Vilis gleba parit, gignunt torrentis arenæ.
Quidquid habet pretii fulgorem, nascitur ortu
Exili retinetque statam caliginis umbram.
Sed nec honos aulæ biviam proritet orexin,
Alliciâtque sacras divorum frangere leges.
Te meliora manent in cælis gaudia, metæ
Conscia nullius ; quoniam peritura fugantur
De Superum patria. Fulgent splendoribus illinc
Atria ; nobiliore nitent laquearia pompâ :

Clara micante auro, flammâsque imitante pyropo.
 Perpolit Ismarium celsos in vertice postes
 Obryzum ; bifores ornant cimelia valvas ;
 Fundamenta micant lapidum distincta pyropis ;
 Jaspide de viridi paries. Non cyngara luna
 Illinc, aut roseo Titan fulgore coruscat :
 Agnus enim niveo de vellere lumina fundit
 Aurea, puniceô quæ vincunt astra nitore.
 Nullus ibi lacrymis locus est, mora nulla favetur
 Mœrori, luctûsque Stygis propulsus in oras
 Exulat, harmonicô resonant palatia plausu.
 Visitur in ternis eadem substantia clarè
 Personis : Pater ingenitus, genitûmque Paterno
 Ex utero VERBUM ; fœcundus spirat Amorem
 Cum Genitore suo Genitus ; non est tamen ullus
 Aut minor, aut major : par trinis una potestas.
 Ad Patris dextram superata morte triumphat
 Filius, assumpta qui carne subegit Avernum,
 Mortalésque jugo peccati sponte redemit
 Victor, Divinæ persolvens sanguinis ostrô
 Astrææ pretium. Tantum castissima Virgo
 Quæ genuit Natum ! fulgore præeminet ipsis
 Aligerûm, Divûmque choris, & principe gaudet
 Immaculata Parens post Natum gloriâ Olympi.
 Cœlicolûm reliqui meritis condigna capeffunt
 Præmia, & auratis redimiti tempora fertis
 Elysios sinè nube dies cum Numine vivunt.
 Hæc eadem merces supera tibi sede paratur,
 Si modò decertes pugil, & tentamina Pestis
 Purpureæ spernas, Sacramentique sigillô
 Infractô pereat corpus mortale necatum.
 Non potis est Sciron nisi corpus perdere, vitæ
 Servatur meliori animus mercede beandus
 Æternaturâ. Siluit ; deîn remige penna
 Limina nota petens liquit penetralia Divi.
 Ille autem memori phantasmate cuncta revolvens
 Solvitur in gemitum, dubiæque per otia noctis

Cætera continuat lacrymis rorare (nec illæ
 Dedecûere Virum) pupilla liquefcere, fletu
 Reftagnare genæ; primam ferit altera guttam
 Gutta; fupercilium refolubile diffluit undis.
 Non fuerant lacrymæ, quales mœrore fepulti
 Fundere confuêrunt; fed erant mera figna triumphî,
 Lætitiæque. Solent gemmâtos fpargere rores
 Sic arbufa, venit primi cûm gratia veris
 Omnia læta notans: Zephyros, pulchrûmque virorem,
 Et gratos lufus foliorum, herbâsque recentes.
 Jâmque rubefcebat radiis mare, & æthere ab alto
 Aurora in rofeis fulgebat lutea bigis:
 Tum fubitò vefana lues, turpîsque cupido
 Nofcendi labes confortis, mente renata
 Cæfaris extimulat tragicis præcordia flammis.
 Ergo fremens, impôsque fui (nam fræna recufat
 Omne malum, fiquando fibris dominetur, & altas
 Figat radices) in jus finè jure laceffit
 Myften, cui labes animi, noxâsque folebat
 Pandere, cûm lacrymis Nemefin placare Tonantis
 Vellet, & æthereos fibi conciliare favores
 Speraret JOANNA. Pavens ftupet aula nefandum
 Principis imperium, renuitque pavore gelata
 Sacrilego parere Duci. Furit ampliùs effrons
 Ad fcelus omne animus: cogit terrore, minîsque
 Juffa reluctantes crudelia. Spondet honores
 Si faciant, Gyarâsque breves, fi velle recufent.
 Pendebant dubii; quid recti poſceret ordo,
 Illustrata dabat ratio; fed principis iram
 Extimuêre. Proin diverfis motibus acti
 In neutrum voluêre latus deflectere. Conftans
 Atque utinam maniffet amor virtutis! Iniqua
 Non fuerant amplexuri mandata tyranni.
 Aft hic primorum eft error, fcopulûsque frequenti
 Naufragio infamis, perituri dona favoris
 Quærere regnantûm, folidoque charifmate cæli
 Polthabito, vanis duntaxat pafcier auris.

Cùm fortis spirant Zephyri, lenésque Favonii
Aularum, ac Phœbus solii placido ore renidet:
Immodico inflati, elatique tumore Thraſones
Vela ſpei faciunt, pacémque tenentibus Auſtris
Portum ſolicitant, preſantes littus honoris.
At dum ſors gravior nimbos, ac grandinis iras
Depluit, adverſique ſerunt ſua prælia Cauri,
Miſcêntque aulai pontum, Phœbúſque Monarcha
Contrahit in nebulas frontem, torvúmque tuetur:
Ac fortè irato diſpergit fulmina labro,
Imponens, quæ jura vetant, legésque Tonantis
Ætherei: id curant unum, nè gratia ſceptri,
Cum ſorte abſcedant aliò, nè ſævior aura
Principis exurgat. Quare præfertur honeſto
Utile, virtutisq̃ decus poſt terga recedit.
Hac egêre vaſtri primores arte: Monarchâ
Czechiadûm ſpirante minas, frontisq̃ rotante
Lumina, & horrendûm roboante! Favoris alumni
Ejus ad imperium ficti factique, furorem
Spirant, commotique pares de pectore flammâs
Irarum volvunt, pecuinóque impete rapti
Committunt ſclerata Ducis mandata veredo.
Hæc quando penitus diverſa parte geruntur,
Nempe in adornata Phrygiis magnalibus æde,
Atque Aulæa Ducis: JOANNES ſacra Theandro
Perſolvens, placidâ conſuetæ limina ſedis
Fronte revifebat memori myſteria mente
Cælica perſcrutans. Patuit qua Numen edule
Replêrit pietate Virum: nam lumina vultûs
Immaduère; genæ collecti ſanguinis oſtrô
Suffuſæ genũere roſas, niveique reluxit
Vultûs majeſtas divini compos amoris.
Ora renidebant pulchrum virtutis odorem
Exemplique decus ſpirantia, corde vigeſbat
Cæleſti è Lipare pyra jacta, notásque ruboris
Prolicuit malis, ignem celare nequibant
Divinum correpta ſacris præcordia flammis.

Frons incensa dedit mistum candore ruborem ;
Non aliter, quam poma solent, quæ candida parte,
Parte rubent ; aut ut variis solet uva racemis
Ducere purpureum nondum matura colorem.
Sumpsit amor vires, suavique tyrannide casto
Subdidit imperio gradientes corporis artus.
Non tulit ulterius vehementia tela Pyraustæ
Ætherei Mystes : sed ut intabescere flavæ
Igne levi ceræ, matutinæque pruina
Solè repente solent : sic attenuatus amore
Liquitur, & tecto paulatim carpitur igni.
Cumque ita succensus suspiria mittit in oras
Empyreï, fletuque domat magnalia, puras
Cælici amoris opes ; casu venientis ab aula
Sistitur horrifonâ non noti voce veredi,
Qui mandata Ducis torvô, vultuque minaci
Exponens sua Daphnæo vestigia passu
JOANNEM pressisse jubet. Stupet aspera missi
Facta viri Præsul ; placido tamen ore reponit.
Nam veterana solet virtus heroa manere,
Eveniant adversa licet. Si pessima tentes
Influxisse : bonum reddet ; documenta monentis
Praxeos auxiliô confirmatura Theandri.
Talis erat virtus JOANNIS ; namque frementis
Fulgura demulsi blando sermonis honore,
Et præeuntis iter passu graviore secutus
(Tanta virum gravitas decuit, verique ministrum
Numinis) ad postes aulai venit, & intrans
Regia magnificis laquearia fulta columnis,
Offendit Codros reliqua cum paupere turba.
More proin solito, nam gazis præfuit auri
Cæsaris, inque vicem locupletis munera Gangis
In miseros largè dispersit egentior Iris
Esse volens ; tribuebat opes, & dona vehentis
Aurea Pactoli manibus servabat apertis.
Novit enim sapiens Divini dogma Magistri :
Divitiis nasci spinas, tribulósque, cerastum

Cuspide peiores. Nimirum vivida virtus
Lædendi, pestisque latens est indita gazis.
Has magè quò paveant mortalia pectora, cæcæ
Quæ plus noctis habent, aurò progignitur ultrix
Spina, salutare jaculari docta dolores.
Ingenii credas obtusi, quisquis acuta
Sentis, non sentit. Cave sis, tangasve, premasve
Liberius nummos ! laniant, punguntque rotundi.
Nequitiam novit JOANNES munere functus
Cæsareô ; pungi metuens radiante metallô,
Quod duplex Pœnus, quod decolor effodit Indus,
Quódque relegatum diversis exulat oris.
Novit & expulsas cæli de culmine gazas,
Divitiásque soli, quas ut præstaret olympus
Infames, illis contextit ritè tyrannos,
Hoc est, lictores regnorum, præscius illas
Ex istis contemnendas : communiit hostes
Cæli, Paganos ; homines, quos notio vultûs
Non totas finit esse feras : investiit ipsa
Crimina, monstra Stygis : prælustis obambulat aurò
Luxuries, splendet gemmante superbia baccâ ;
Et gula, cui bibitur, semper tamen affluit aurum.
His ut nè fieret Lamiis assymbolus ; omnem
Prodigus effudit thesaurum, lege perenni
Mæmonam fugiens ; unius homagia curans,
Amphibióque cavens venerari corde Tonantem.
Cum consolatos pretiò dimisit egenos,
Argentúmque, suis nil servans usibus, amplâ
Disperfit dextrâ ; magnalia Regis adivit,
Próque sui ratione statûs, meritóque Monarchæ
Poplite lunato medio tenus intima visens
Ostia sublimem soliò veneratur. Amici
Labra Sinon finxit cupiens haurire cruorem,
Livoris nempe est soboles fallacia mentis,
Atque strophæ fraudis. Fraus omni regnat in ævo.
Czechicus hunc cautè Phalaris communiit astum :
Triste supercilium ponit, lætâque serenat

Iride contractas frontis caligine nubes,
Explicat in risum malas, geminúmque benigno
Sidere jucundans oculorum Castora blandè
Evibrat, ac Suadæ nectar diffundit in ora.
Hinc sub amicitiae prætexto schemate, primùm
Effundit mites vafro de pectore voces,
Lætitiæ affectæ testes, alternâque miscet
Prælia verborum. Tandem, quasi seria vellet,
Magniloquos dedit ore sonos : Dent præmia Reges
Promeritis, jus omne docet. Nam cætera nulli
Cura foret servire throno. Sua munera Victor
Armis parta refert, domuit cùm Principis hostes,
Ac pompa sibi subjecit Marte trophæa.
Laurigeros Bellona favet, sancitque triumphos
Belliduci, cujus pressa virtute fugantur
Adversi pugiles, supplantatque virentem
Lambere compelluntur humum, magnâque vigore
Amisso duplicata vomunt per vulnera vitam.
Quid, quòd & officiis functi regalibus aulae
Ad clavum sedeant, nostrique gubernia regni
Consilio prudente juvent ? subsellia nempe
Præclaros excelsa decent. Non vilis oportet
Serpas humi, quem facta probant meruisse favorem
Cæsaris, & virtus dignum declarat honoris.
Illa manet constans animo sententia : claros
Muneribus ditare viros, qui sceptrâ tuentur
Consiliò, promptave manu, dum prælia regnis
Adversæ intentant acies, armisque ruinam
Imperio signis nocuè volitantibus audent
Inferre. Hos majora manent, qui chrismate sacro
Uncti procurant aulae, populique salutem
Æternaturam. Non sunt ea dona laborum
(Præstita namque polo solvisse charismata gazis
Grande malum) sunt laudis honos, meritique character.
Cùmque Tua probitate palàm te munere dignum
Feceris eximio ; regalia jura repossunt,
Ut Pastorali clarescas sedis honore.

Unum illud superest, quò tanto culmine compos
Fias : noxarum seriem, labésque recense
Consortis, quas illa Tibi suggessit in aures.
Quippe nefas arcana suæ nescire maritum
Conjugis, aut vitæ dubium ignorare tenorem.
Hæc fatus Mysten arrisit plurima spondens
Munera, divitiásque Tagi, Gangísque metallum.
At Præsul postquam Lernæ domiturus Echidnam
Jam toto ignescit vultu ; flagrantis ab ore
Sacra favilla volat , micat acri lumine flamma ,
Et gestu, faciêque minax non mellea linguæ
Dona labris fundit, sed miro fulminat ore
Entheus, atque Duci ventoso talia fatur :
Proh scelus ! áne DEI contemnis jura vetantis
Pandere, quæ sacro subduntur facta sigillo,
Quæque tribunali divino credita, nulli
Fas cognôsse datur ? pseudo tibi dogmata fingis,
Opprobriúmque facis Superis. Violare Quirinam
Túne fidem, sacrásque potes convellere leges ?
Quò tumor impellit mentis, quò pectoris ausus
Sacrilegi ? Innocuam consortis carpere vitam
Allubet ? & niveos infami stigmatæ mores
Commaculare ? Trabem proprio priùs ejice vultûs
Lumine palmarem ; nimirum crimina, nunquam
Albicolûm conspecta plagis. Tum carpe myricas
Labum, festucásque pares. Quis semina livor
Sparsit ? Quæve sinu cordis mala vipera sævit ?
Ejice pestiferæ, fatalia toxica, lepræ,
Flammásque invidiæ virtutis temperet ardor :
Nè totus quondam pereas, olímque cremêre
Ignibus æternis. Erebo delicta piantur.
Non est, crede equidem, non est, cur luctibus uras
Viscera, & invidiâ flagres, flammásque furoris
Injustè correptus alas. Dirum evome virus ;
Abjice liventem sensum, pestémque medullis
Inditam, & insanos ætutùm mitte labores
Mentis, nè damnum cieat mala fabrica noxæ.

Suspicio perversa mali, cupidusque sciendi
Fervor in exilium mittantur. Sana resume,
Ducatque in veram te virtus clara sequelam.
Si recti, justique vias Consortis amare
Eligis, ac vero te Relligionis honore
Obstringis Superis, veniet tibi gratia cælo.
Noxia monstra cave scelerum! Te redde favori
Cælicolûm officii ritu; quem jure requirit
Naturæ ratio, vero subjecta Tonanti.
Nec reputes unquam Divinas defore vires,
Quêis subigas animum per crimina quæque ruentem,
Ac domitis valeas vitiorum surgere monstros
Altior in palmas. Sed nè concessa vagetur
Libertas animi per devia, lege soluta
Numinis, & vetitis confirmet pectora noxis.
Quare age, continuo liventem pone chelydram.
Dixit: At in vacuas Divina parænesis auras
Ac ventos abiit. Nec Præsulis ore movetur
Princeps saxa fero, cautèque in pectore gestans.
Sed concepta mali demittit femina cordi
Altiùs, ac odiis effusas laxat habenas:
Infremit horrendum! Jam buxeus ora colorat
Pallor, & expulso deformat sanguine malas.
Jam se rursus agunt, revocante furore, rubentes
In scenam vultûs ignes, alternèque miscent
Prælia, & in niveo sua ducunt bella theatro.
Omnia agit rabies. Dentes stridore crepantes
Exerit, infrendetque minis: per labra nigrantes
Evolvunt sese spumanti gurgite fluctus:
Flammas lumen alit jaculantes tela furoris:
Planus frontis honos capreatum surgit in arcum:
Pulchra capillorum series, nexûsque comarum
Surgens in cyrrhi suggestum, atrocibus horret
Setarum jaculis. Prò qualia monstra furoris!
Non sic Getulis bachans leo sævit arenis
Vulnere percussus, rabido correptus ab æstro;
Ceu trabeata furiit spumanti Bellua rictu.

Jam nil mente aliud versat, quàm vulnera, cædes,
Funera, & ultrices festinat sumere pœnas.
Tela proinde ferox duplicat sic Præsulem adortus :
Aut arcana meæ consortis ritè revela,
Aut potabis aquam fluitantibus esca futurus
Piscibus; infamem positurus flumine vitam.
Imperio parere Ducis vesane recusas ?
Cælaris attentas explodere majestatem ?
Hoc ratio, lex, jura vetant, quæ jussa monarchæ
Amplectenda docent, statuuntque rebellibus æquam
Delicti pœnam. Responde; mutus honore
Privatur, spretusque jacet. Nil credita sceptro
Verba nocere queunt; tacuisse loquenda nocebit.
Respondit Præsul divinò percitus œstrò :
Mergar aquis, siamque licet nova piscibus esca
Emoriens; Sacramenti non frango sigillum.
Usuram tollet peritura Moldava vitæ,
Immortale dabit cælum pro morte minerval.
Dulce mori, pulchrumque pati pro Numine vili
Ejus mancipio. Minitaris fluminis undas ?
Nulla fluenta pavet pectus virtutis amore
Succensum; fluvij latices incendia cordis
Extinguent minimè, sed erunt moderamen amoris
Tempus ad exiguum. Superatis fluctibus, igne
Empyreo ditata meris præcordia flammis
Urentur. Faveant Superi vestigia JESU
Posse sequi ! Verum tu, quod vis, delige Princeps,
Aut tibi propitium Numen, si sensa retractas :
Aut Phlegetontas, si perstas crimine, pœnas.
Dixit. At iratus Cæsar sermone feroci
Infremit, ac frendet vesanâ percitus irâ,
Vixque sui compos furiosis pectora palmis
Verberat; in vastos distorquet lumina gyros.
Cæsaries commota riget, totòque vagatur
Corpore livor edax. Sed tandem rursus in iras
Indomitamque redit furiam, quassatque minando
Verticem, & ardentem spirat tremulo ore furorem,

Præcipitèmq; iubet JOANNEM flumine mergi.
Lictores mandata sui complere tyranni
Festinant, mitèmq; trahunt ad limina pontis
Præsulem, & adjectis augent tormenta cavillis,
Quæ memorare nequit perculsa horrore Camæna.
Cùmque tenent medium quasi pontem, fluminis undas
Innocuâ ditant prædâ, vitâmq; Ministro
Numinis elidunt jactu. Stat Moldava fluctus
Attonitos cohibens, mutûmq; silentia piscem
Effecisse novum miratur. Deinde citatâ
Squamigerûm turbâ prohibet, nè dente rapaci
Municipem lædant, noceântve manere volenti
Fluctibus in niveis. Pinnato turma natantûm
Vertice signa dedit (fluido sermone datura
Responsum, nisi muta foret) nutûmq; sponndit
Sese expleturam. Mirandum fidera cernunt
Concilium natitans, aliàs non flumine visum.
Abscondit siquidem sua Titan lumina, nolens
Sacrilegum spectare nefas. Nox præfuit orbi,
Fulserûntque polô trepidantia fidera, stellæ,
Quæ novitate rei perculsæ fluminis undas
Inspexêre. Virum magno fulgore nitentem
Conspiciunt, nantisque stupent in flumine lumen,
Altricique suæ (stellarum regia cæli,
Est alrix) nunquam conspectum thauma recensent.
Quinas illa iubet (numeri mysteria celans)
De firmamenti statione recedere stellas
Majores, nitidâque docet redimire coronâ
Martyris exuvias. Claræ funalia pompæ
Deproperant cæli regione, citæque relinquunt
Empyreum, & cumulant superaucta luce triumphum,
Commendantque Virum memori per sæcula Famæ.
Illa sonis linguam lassare ignara, per axem
Indefessa volat, clangitque silentia summi
Fama Viri, qui, cùm se per miracula vulgat,
Voce tacet, sepelitque rudi sua nomina nocte.
More dehinc solito, primûm proba facta per omnem

Differt tellurem, vindex præeuntis honoris.
Rursus, ut occurrat iacturæ nominis, illud
Insculpit, non passuris oblivia, laxis ;
Aut in vivacis conservat cortice cedri.
Verùm nil æquè, velut ipsa silentia dicit.
Hæc laudis sunt thema recens, tantóque taceri
Digna minùs, quantò plùs (conservata per ævum
Triplex, ac ultrà) loquitur sacra Lingua triumphos.
Nec contenta loqui JOANNEM voce; tabellas
Corripit artifices, & supplet verba colore,
Divisq; adscriptum denuntiat, atque futurum
Spondet propitium miseris, animátque perennem
Illius ad cultum mortalia pectora cantu.

A. M. D. G.
&
S. JOANNIS NEPOMUCENI Martyris
Honorem



D. O. M. A.
Quod Bonum, Felix, Fau-
stum, Fortunatúmque sit, Reipubli-
cæ Christianæ, Ecclesiæ Catholicæ, Incly-
to Bohemiæ Regno, Almæ, Cæsareæ, Regiæque U-
niversitati Carolo-Ferdinandæ Pragensi, & Facultati
Philosophicæ eveniat ;

AD MAJOREM DEI GLORIAM,
DEIparæ Virginis sinè labe Conceptæ
Honorem ;

Annô M. DCC. XXIX. Mense Junio ,
Die 30. ab hora nona matutina in Magna Aula Ca-
rolina Carolo-Ferdinandæ Universitatis Pragensis Actus
Publicus celebratus est ;

IN QUO

APPROBANTE AMPLISSIMO
INCLYTÆ FACULTATIS
PHILOSOPHICÆ COLLEGIO,

LXXVI. Illustrissimi, Perillustres, Admodum Reve-
rendi, Prænobiles, ac Eruditi DD. AA. LL. & Philosophiæ
Baccalaurei Ritu solemni, more, Institutóque Academico
Supremâ Philosophiæ Laureâ condecorati sunt ;

Pro Reverendissimo, ac Celsissimo PRINCIPLE,
DOMINO DOMINO
FERDINANDO
E COMITIBUS DE KÜHNBURG,
DEI, & Apostolicæ Sedis Gratiâ Archi-Episcopo
Pragensi, S. R. I. Principe, Legato Nato, Sac. Cæs. Regiæque
Cathol. Majestatis Intimo Actuali Consiliario, Inclyti Regni Bohe-
miæ Primate, nec non Almæ Universitatis Carolo-Ferdin. Pragensis
Amplissimo, Perpetuôque CANCELLARIO:

LICENTIAM CONFERENTE
Prænobili, Generoso, Clarissimo, ac Consultissimo VIRO
D. WENCESLAO
XAVERIO NEÜMANN

DE PUCHHOLTZ,
J. U. D. Sac. Cæs. Reg. Majest. Consiliario, in Alma,
Cæsarea, Regiâq; Universitate, Carolo-Ferdinan. Pragensi Sa-
crorum Canonum Professore Regio, Publico, ac Ordinario, in Inclyto
Bohemix Regno Regii Fiscii Adjuncto, & Advocato Jurato, Inclytæ Facultatis
Juridicæ Seniore, nec non prænominatæ Universitatis p. t.

RECTORE MAGNIFICO.

P R O M O T O R E

Reverendo, ac Doctissimo PATRE

P. WENCESLAO KOLBE,
E Societate JESU, AA. LL. & Philosophiæ Doctore, Ejusdemq; in eadem
Universitate Professore Regio, Publico, ac Ordinario.

Typis Universit. Carolo-Ferdin. Soc. J. ad S. Clementem, per Norbertum Fitzky Factorem.



NOMINA

*Illustrissimorum, Perillustrium, Admo-
dum Reverendorum, Prænobilium, ac Doctis-
simorum DD. AA. LL. & Philoso-
phiae Magistrorum.*

- { Prænobilis ac Doctissimus D. Duchoslaus Am-Ende, Bohe-
mus Pragensis.
Prænobilis, ac Doctissimus D. Joannes Columban, Bohemus
Patritius Plsnensis.
I. Prænobilis, ac Doctissimus D. Josephus Azzoni, Bohemus
Pragensis.
Perillustris, ac Doctissimus D. Josephus Krfsnak Eques de Carls-
berg, Bohemus Drahnicensis, Augustissimi Impe-
ratoris Ferdinandi II, Alumnus Liber, ex Semi-
nario S. Wenceslai.

- Doctissimus D. Franciscus Holtzenberger, Moravus Znoymensis, ex Seminario S. Wenceslai.
- Prænobilis ac Doctissimus D. Bernardus Dacziczky ab Hefslowa, Bohemus Patritius Kutttenbergensis.
2. Doctissimus D. Joannes Walter, Bohemus Bilinensis, ex Seminario S. Wenceslai.
- Doctissimus D. Josephus Schmidt, Bohemus Colinienfis.
- Doctissimus D. Joannes Winarz, Bohemus Podulshanenfis.
- Prænobilis ac Doctissimus D. Carolus Leixner, Bohemus Pragenfis.
3. Doctissimus D. Carolus Göhler, Bohemus Fridlandensis.
- Prænobilis ac Doctissimus D. Thaddæus Kavika de Pirkenthal, Bohemus Welvariensis, Augustissimi Imperatoris Ferdinandi II. Alumnus Liber, ex Seminario S. Wenceslai.
4. Doctissimus D. Josephus Spinetti, Bohemus Pragenfis.
- Illustrissimus ac Doctissimus D. Rudolphus L. B. de Malovetz, Bohemus ex Seminario S. Wenceslai.
5. Doctissimus D. Jacobus Hrabanek, Bohemus Divissovienfis.
- Doctissimus D. Mathias Heldorff, Bohemus Polnenfis.
- Doctissimus D. Joannes Jäntzsch, Bohemus Schlukenaviensis, ex Seminario S. Wenceslai.
6. Doctissimus D. Joannes Urtica, Bohemus Commotoviensis.
7. Doctissimus D. Christianus Klupp, Bohemus Schönfeldensis.
8. Doctissimus D. Wenceslaus Workert, Bohemus Pürgsteinensis, ex Seminario S. Wenceslai.
9. Doctissimus D. Franciscus Malek, Bohemus Zdechovicensis.
- Doctissimus D. Christianus Zenker, Bohemus Bockvanensis, ex Seminario S. Wenceslai.
10. Doctissimus D. Joannes Fritsch, Bohemus Wolferdorffensis, ex Seminario S. Wenceslai.
11. Prænobilis ac Doctissimus D. Procopius Schuknecht, Bohemus Pragenfis.
12. Doctissimus D. Josephus Schrötter, Bohemus Pragenfis.

Cum his extra Ordinem promoti sunt.

Admodum Reverendus, ac Doctissimus D. Andreas Kneifel, Bohemus Theisingensis, Curatus Schümenensis.

Reverendus, Prænobilis, ac Doctissimus D. Franciscus Würth de Werhenfeltz, Bohemus Glattoviensis, Vetero-Boleslaviae Sacellanus.

Reverendus ac Doctissimus D. Bernardus Hausenka, Bohemus Slanensis, Presbyter Ecclesiasticus.

Reverendus ac Doctissimus D. David Mirling, Bohemus Schlaggenwaldensis, Presbyter Ecclesiasticus.

Reverendus ac Doctissimus D. Wenceslaus Richter, Bohemus Ausschenensis, Poniklii Capellanus.

Reverendus ac Doctissimus D. Franciscus Nedwidek, Bohemus Launensis, Alumnus Ecclesiasticus ex Convictu S. Bartholomæi, SS. Theologiæ Auditor.

Reverendus ac Doctissimus D. Joannes Heintl, Noricus Kotschwiensis, Alumnus Ecclesiasticus ex Convictu S. Bartholomæi, SS. Theologiæ Auditor.

Reverendus ac Doctissimus D. Antonius Dworzak de Boor, Bohemus Pragensis, SS. Theologiæ Auditor.

Doctissimus D. Michaël Tham, Silesius Ebersdorffensis, ex Convictu S. Bartholomæi, SS. Theologiæ Auditor.

Doctissimus D. Augustinus Piwetz, Bohemus Pragensis, SS. Canonum Auditor.

Doctissimus D. Joannes Neühaus, Moravus Brunensis.

Problemata à Doctissimis DD. Neo-Magistris resoluta.

Philosophicum : An ad Sapientiam acquirendam, magis conducant vites : an fontes ?

Ethico-Historicum : An præstet administrari Rempublicam à Viro sapiente : an potius illam optimis legibus gubernari ?

A. M. D. G.



